

芙蓉山館全集

芙蓉山館詩鈔卷六

金匱楊芳燦蓉裳著

臨河堡曉發

隣雞促人起向壁鐙微明春空淡欲曙林杪三四星長河冰欲銷瘦馬凌兢行趨府豈云勞簿書有期程忠信我所持履險心亦甯嗤彼千金子徒言不倚衡

春霽山行卽事

春山過時雨萬綠雲外生晨興理輕策信意西旄行初日澹荒荒
荒曠望天新晴曲磳亂流響雜樹高花明野老遮馬前呼兒牧
柴荆邀我嘗社酒羅列紛瓶甕頻歲喜豐穰諍訟日以平家家

理農具無煩吏催耕淹留日移晷陶然有餘情率爾遂成詠
和田歌聲

雨夜柬張雨巖

我自耽吳詠君應愛越吟亂雲迷客夢暗雨滴秋心戍鼓沈沈
急街泥活活深羸驂怯相過濁酒只孤斟

秋夜有懷二弟

獨背秋鐙語相思此夜深風來千樹響月過半牕陰蜀道苦巉
絕武溪多毒淫平生未識路擬向夢中尋

送張春溪歸里卽次其留別原韵

平子磊落人才名壓脩甞風騷有結習文史非泛愛誰令束手

版屈首衙官內憔悴入樊籠翦翎非所耐盤旋上折坂舉步輒
多礙境窮詩益工微妙得三昧滌濯塵土腸九陽餐沆瀣挾搥
大化奇牢籠衆物態如秋水渙鱗如春山罨黛如露盎朝曦如
霞摘夕暎纖能穿蚬翼壯欲騎鯨背思真令鬼泣才不受天概
萬籟酣笙鐘千色列錦纈贈我吉光裘報君飛霞佩揮灑珣玕
琪刻畫鼎鼎薰藝苑塞葩華詞源吐汪濊置之作者閒洵足當
一隊隴坂山欽岑綦關雲變黓憐君蹕絕姿時命偏屯晦一官
墮邊障觸事增悲慨銜索泣枯魚傷心蓼我廢窮途苦悽惻餘
潤誰沾漑鄉園五千里宵夢迷霏霽甯甘鸞鴛餓詎見麒麟伏
惟我獨知君逸才驚曠代金城重會面風雪一樽對蛩駘惜分

離雲龍暫追逮霜空寒厲最列宿光炯碎翦燭話長宵豁達傾
肝肺簡珠維砂礫叢蘭翳荒穢歸心明月知舊業名山在文章
雖小技鍛鍊須年歲未妨俗士嗤要與曩哲配浮榮何足道積
蘇與累塊抗手從此辭丈夫意慷慨明春候雁回莫忘寄良誨
努力樹修名盛年安可再送君還越嶠我尙滯秦塞曼容宦不
達靈鞠才先退東臯有薄田相約把鉏耒

贈周劭雲用春溪韻

金城有傲吏落實寡朋輩旅居吟四愁古懷歌七愛羸驂薄笨
車疲頓風塵內趨府敢云勞刺促非性耐欲言口先噤舉步足
多礙端憂坐兀兀望遠思昧昧忽聞春溪來如渴得清澍偏人

露奇氣狂奴饒故態霜天鬱崢嶸寒山展青黛相訪趁晨曦縱
談窮夕暖此時兩目光豈復在牛背爲言周郎奇倜儻負節慨
累幅讀君詩天然謝雕績晶瑩切玉刀磊落貫珠佩清音戛鐘
石古色列尊鼎智刃游恢恢言泉流濺濺角立一軍張橫衝萬
夫隊梁月墮蒼茫塞雲凝靉靆復言君念我風雨雖鳴晦神交
感知己對酒發長嘯作吏來邊陲茲事幾欲廢如彼枯旱苗寸
莖絕澆溉如彼塵昏鏡半面迷霧鬱本無不平鳴詎作隨聲吠
惟叢兩版書丹黃勸人代遙遙作者心曠古如晤對名山石室
藏此生冀津逮才患平原多文惋次山碎君言中予痛感激鏤
膺肺自愧駟瓊奇未能盪瑕穢壯夫悔雕蟲結習依然在君其

厲鋒穎聲華當盛歲精深抉閭奧上與古人配龍文虎脊兩萬
里看歷塊兄袁而弟灌交期故慷慨懷哉曠良覲安得奉清誨
春溪辭我去捧手何時再君復遠從帥相望阻關塞詞場得二
士甘作三舍退惜無佳茗硯分贈補之表

花遊曲

啼鴛隔簾催夢醒春空澹白花冥冥騷人破曉踏杯起提壺卻
向花叢行花叢一片苔茵妥亞枝紅影杯中墮瞽眼從教香霧
迷滿身總被明霞裏綠嬌紅穉正耐看花風蕩漾吹微寒金鯨
瀉酒須盡醉莫待春餘尋墜歡

禁煙詞

游絲吹斷春風顛薄雲乍展
批羅綿打牖一陣潑火雨萬家寒
食搖楊天煙痕斂盡斜陽晚滿院花光烘不煥野曠惟看碧樹
圓樓高只覺青山遠揮杯獨酌還獨謠頗黎色凍松花醪來朝
試乞紅一朵分作蘭燄明春宵

插柳謠

綺陌春深寒尙峭萬縷青黃柳芽小
百五韶光取次催春人纖手和愁拗
拗來猶帶煙露痕枝枝弄影搖橫門
同心百子誰綰結欲鎖離恨留春魂
小家碧玉偏韶媚風裊長條拂羅袂
更著香桃一樹紅左扉題徧相思字

寒食郊行率爾成詠

天涯冷節最無憑
信馬垂鞭過野橋
前度園林花事減
舊時衫裏酒痕銷
滿陂新水跳魚子
一徑晴煙長藥苗
指點遙邨雲樹裏
青旗風影若相招

嵐光澹澹水粼粼
春到邊城不似春
雙鷺閒如做客孤
花憔悴欲依人
久拋謝客尋山屐
空戴陶家漉酒巾
儂是江南遊冶子
爲君悵悵話前塵

春懷

纔見繁紅吹滿林
遶簷新綠已森森
銅鋪雙掩閒門靜
珠箔低垂曲院陰
泣露蘭空擡淚眼
受風蕉未展愁心
流黃自向機中織
不爲飄零怨藥砧

照影臨流繡領斜，低回絮語惜年華。
便思聞死尋仙侶，不信明河返客槎。
寄恨蘇娘題錦字，傷離蔡女拍金笳。
誰知滿地紅心草，原是天邊玉蕊花。

朝煙罨戶日暉暉，一桁遙山逗翠微。
偶爇名香繙貝葉，愛抽祕笈讀靈飛。
雲波隔夢鄉心遠，金粉成塵春事違。
百五韶光彈指過，壓枝梅豆綠全肥。

明鏡照局只空碁，子夜歌殘輾轉悲。
一院薄寒花謝後，半衾微燠酒醒時。
難憑紅鯉傳書去，願借元駒入夢馳。
何日蕭郎歸計準，櫻桃樹底証相思。

指點屏風六曲山，巫雲悵望有無閒。
玉蕤烟冷香臺徙，鉛水光

詞一會言金 卷一
收鏡檻關每坐深宵談往事總緣慧業誤韶顏然脂弄墨知何
用空說才情似謝班

曾記歌筵喚部頭天涯淪落杜家秋縷衣溫透迎珠淚黛筆描
成滿鏡愁瘦骨已看輕似燕香盟安得信如鷗春宵寂寞拋絃
索怕聽隣家按石州

拈來雙繭是同功絲在春蠶宛轉中垂柳有情縈斷夢落花無
力舞迴風燒殘銀葉檀心熱滴損冰荷蠟淚紅不分雙飛誇綺
翼驚燕竟作白頭翁

方池一水碧逶迤浴鳥雙雙滿錦波細草自留含恨色衰桃不
長合歡枝坐來新月和煙墜臥看春星帶影移何事關卿易側

悵背人玉筍又偷垂

分詠試香

閉閣無塵事名香試手焚玉鑪留宿火銀葉炷微薰迷迭仙山
品都梁海國芬一痕銷篆印幾縷蕩簾紋過眼全成幻書空忽
有文晴江迷薄靄曉峽散華雲幽夢初離影春魂欲化雲暝迎
花氣入清其茗烟分曲院風初定斜階日漸曛繙經持淨業布
策命靈氛碧幌凝殘麝牙籤糝古芸驚精傳祕製辟惡著奇勲
好作真人想偏宜大雅羣和方須范史拂坐待荀君默然心淵
靜微微鼻觀聞晚來還伴月勝賞結遙欣

長毋相忘漢瓦硯歌

漢宮片瓦珍於玉篆文四字迴環讀剩有煙華起墨池更無夢
雨飄金屋金屋繁華春正穠魚鱗六六覆離宮憑肩密誓標題
徧入骨相思刻畫工含嬌含妬專歡燕誰道君心容易變買賦
虛捐陳后金題詩空掩班姬扇複閣重樓蹟渺茫尙餘殘磔記
毋忘池荒涿沐恩波冷灰散椒風劫燼涼雕鐫作硯猶堪愛換
得應拌珠目琲噴出元雲試免毫滴將清露研螺黛銅雀猶慙
步後塵香姜未必許爲鄰長畱一片團圓影想見三山縹緲人
玉抵銀帶殊常製彷彿韋郎夢中賜淚眼凝成鸚鵡斑香魂幻
作鴛鴦字往事關心感慨多摩挲古物奈愁何三生石在終難
化百劫情深合受磨千秋逸格誰能似湘東金管澄心紙點筆

從教綴錦書然脂待與脩眉史一度微吟一惘然騷情古意儘
纏綿願將昔日宮闈語證我今生翰墨緣

首夏信筆柬春塘索和

綠陰如山覆庭戶最愛盤根老槐樹朝來豁達敞八牖碎影鄰
鄰日光吐文書堆案暫擺撥驅染丹青游藝圃客來往往罷迎
送自笑清狂疎世故江翁不解談狗曲王子那能知馬數盈甌
茗汁翻綠雪繁幌鑪熏銷碧霧凝塵嬾拂常滿席細草爭長任
侵路風蠶日鳥自喧聒隱几喆然耽靜趣興酣伸紙墨淋漓持
向羊何索新句精思直與風雲通奇語還愁鬼神妬賓朋文史
有至樂塵土腐餘何足慕他年期作林澤遊把釣持鉏共農耨

題天瓢行雨圖

時方久旱

衛公慷慨真人豪軼事已足驚吾曹客途託宿眠團焦赤章雲
篆來中宵結束徑代龍工勞行空天馬上次寥風鬣霧鬣寒蕭
飈蹴踏不覺青冥高天公符節手所操百靈奔走鞭螭蛟列缺
辟歷行相遭雨師風伯抗手招麾幢旛蓋旗旂幃幃空翳日紛
飄飄雲垂海立木石號雌雄呿吟六節搖舞珠溟玉萬滴拋翻
江倒瀆揚波滹灌注呿滄浮堂坳肥蠟匿影女魃逃邊滌六合
祇氛銷少年磊落風骨超意氣早已干星杓勛業那不凌藥臯
誰驅煙墨圖生綃筆勢怒挾滄溟潮神妙直欲窮秋毫虛堂落
落生風颯窺牖防有乖龍指今年西陲困炎歊田疇龜坼枯禾

苗火輪翕絕恒陽驕野夫僵僂抱甕澆仰天叩額空哀嗽捲圖
而作心鬱陶安得攫身入層霄暫借龍母天漿瓢坐使甘澤徧
四郊淋漓元氣迴崇朝商羊鼓舞一足跳狂歌且和兒童謠

題天女絡絲圖

畫中小閣如煙艇讀罷丹經竹窗瞑韻事流傳羨沈郎仙風吹
墮雙鬟影簾前雨腳絲絲飛玉纖撚處生明輝雲經霧緯斷復
續七襄分得天孫機一絢持贈遊仙侶脉脉凝情悄無語直是
冰心照冷光不似藕腸牽弱縷懷仙夢斷減圍腰銀浦流波入
望遙宛轉空縈園客爾玲瓏試織海人綃國扇裁成可君意虛
堂六月含霜氣解珮疑逢洛浦妃弄珠謾憶湘江娣今年月額

雨無多病渴心情可柰何
賸有真人天際想絕憐雲影薄如羅
題玉女投壺圖

宮殿參差壓虛碧十二堯關萬靈直
紫皇暇日試投壺兩行玉女娉婷立
金翹峨髻何雄妍長簪橫抱當胸前
璇琤壺口戛哀玉百枝脫手輕於煙
一枝初入罍噓起突兀奇雲半空紫
人間寂靜不聞聲但訝奔星流枉矢
再投粲然玉齒開馮夷波底鞭雄雷
羣飛海水久空去天關隱隱蛟龍迴
百驍賽罷軒渠縱卷地波濤連頡頏
洞千尺光中猛雨飛補天石裂玻璃
縫偉哉畫史通神靈氣象慘澹森杳
冥紅輪燄鳥騰光耀安得驍壺博天笑

五日詠瓶中芍藥十二韵

令節已逢重五日。膽瓶紅芍，尙呈姿花如稱意。休嫌少開到將
離轉愛遲。藥圃待招銷夏客。蒲觴翻作殿春卮。隔牖煙冷窺橫
影。對鏡霞明見亞枝。蟬雀扇搖香澹。名蘅蕪珮解。慙斜欹。羅裙
舊曳留仙。綵縷新添續命絲。麗質似含傾國恨。韶顏未到退
房時。怕銷豔雪頻量水。爲駐嬌雲嬾捲帷。錦帶一緘封別淚。蠻
牋十樣譜相思。避塵不耐風人謔。寫怨應題騷客辭。高格詎宜
葵艾侶。幽情那許蝶蜂知。相看清簾疎簾畔。可是伊家要賞詩。

重有感二首

上相宣 王略苗疆討不庭。奇兵出烏許。閒道走麓泠。威懾槃
瓠。種謀深太乙。經劒磨知水。赤鏃過想風。腥士氣能揮日軍鋒。

欲鬪靈旌勞懸素賞宥過用輕刑冒淫驅千甲開山役五丁祇
酋歸束縛殘孽乞灰釘蕭斧摧朝菌滄波灌聚螢行看露版入
坐待凱歌聽列土苴茅貴褒功拒鬯馨如何恢遠略無計續遐
齡密箚逾危棧淫溪比毒涇匪躬終得蹇盡瘁不遑甯握節猶
呼渡投營忽隕星遊魂朱鳥返噩夢白雞醒裹革心徒壯含珠
目未瞑 九重悲玉鉞 三錫下 彤廷待起祁連冢空留枸
鼎銘感恩餘故吏流慟望南溟

朔塞軍書至傳聞有是非風塵連鄂渚寇盜擾荆圻米賊潛爲
祟蚩氓本信禩蠹蠹惟恃衆螻蟻不知微蹂踐空村落流離到
犬豕九江妖霧集三戶黷烟稀土俗原輕狡天心敢背違孤軍

爭肉薄孽種尙頭飛貔虎屯嚴陣龍蛇發殺機星流傳急遞月
暈築長圍上將能持重中權早決幾截流罌竟渡誓衆扇頻揮
自愧無長策空思著短衣感深時錯莫望極轉歔歔許國懷廉
范臨戎仗費禕運籌先轉餉發粟待援飢歔息梟風扇宜令雁
戶歸無勞逞鋒鏑坐見偃旌旗楚塞銷兵氣蠻方識主威兼
令有苗格六幕徧光輝

受降城

萬里榆關道韓公有舊城草埋危堞墮風挾怒沙鳴戍士囊弓
臥邊氓負耒耕無勞墜門設蕃部久輸誠

邊牆

野日荒荒外邊牆入望遙風高原散馬雲迴塞盤雕蒸土頽垣
在沈沙折戟銷登臨無限感戰壘認前朝

賀蘭山

拔地鬱崔巍茲山亦壯哉
分河岸壩勢劃塞雲開設險悲陳
事爭雄失霸才鑿碑遺蹟盡莫問赫連臺

七夕

霞暗沈紅綺雲纖颺碧羅不知秋意早只覺晚涼多
銀浦纔填鵲金閨正掃蛾花廊簾盡捲苔徑屢初過掩扇迴星影拈鍼映
月波綵絲雙孔繫絳纒一痕拖弱腕擡還怯明眸認未識人聞
空約夢天上易斜河驛重休頻夢犀寒卻待磨簾紋凝寶粟鐙

黯淡冰荷隱豹催宵漏依稀散曉珂佳辰勞悵望良會易蹉跎
謝女拋斑管蘇娘擲錦梭慧心憐薄命得巧竟如何

過僕固懷恩墓

唐代當中葉漁陽起叛藩驍雄出裨將義憤救中原酣戰摧強
敵孤軍領外援假威添虎翼協力翦鯨吞左僕班資貴真王爵
秩尊氣驕非易制寵極轉成怨反側由羣口寬仁負主恩養癰
分節鎮召亂誘羌渾自詫功無並甯知禍有源飲章爭告變謾
語尙陳寃蘇峻懷非望龐萌肆妄言士擐三戰甲死率大軍屯
涇水全師覆鳴沙數騎奔餘生逃斧鑕殘骨載輶輶壞道沈碑
失陰崖破冢存悲風作嗚咽疑是健兒魂

季秋過文氏園亭用松陵集中臨頓里十首韵

秋郊愛明曠閒訪下田居作屋思因樹看山想著書
花幽藏嬾蝶萍老覆寒魚蕭散偕詩侶行行緩當車

主人聞劍咏爲客敢衡茅砌冷蠱扶戶林疎鵲露巢
翻畦收紫蓼除架落青匏闕茗饒清致披襟對素交

偶捉張譏塵閒登向棚牀奇書開眼界靜境養心王
漁子收罾早園丁抱甕忙興來同覺句選韻喜能強

野性諳農圃升沈雨不知撫琴耽靜理種秫足幽貲
殷迴猿呼侶波涼覺引兒相於得與可讀畫更論詩

樹老橫垂釣藤疎青絡扉飯香浮午甌苔潤逼秋衣
飢隼衝煙

出閒雲伴鶴歸塵
蠹全不到人語隔林微

林雨頽茶竈溪風響釣車
小松移瘦影細菊綴圓花
幾兩吟朋展三樣處士家
登臨心有憶惆悵折疏麻

野景堪欣賞秋光未覺殘
蘆碕鳴敗葉竹隴偃修竿
采菊香生袂穿林露溼冠
高懷攜二仲來此樹騷壇

日晚空煙澹晴嵐媚遠天
風高能送雁樹靜不棲蟬
古帖摹飛白高文擬太元
故山歸夢裏別有好林泉

地僻翻留轍邸深不掩門
白雲低礪曲紅葉滿籬根
題句剗苔壁移花帶石盆
黃昏人客散劇土護雞孫

畫圖看北苑禪語愛南能
潦倒塵緣重疎狂俗眼憎
何時鶴料

足更得橘租微邱壑從吾好眠雲任曲肱

醉歌

今夕何夕秋澄鮮明雲萬頃鋪霜天細菊離離正堪把小松楚
楚亦可憐河魚味美好斫膾折簡招客開長筵眼前百事休挂
口謝淪此中只宜酒

秋風撼撼吹庭槐月光如水流平階開軒促坐縱清賞蕭散聊
復抒幽懷解事須同索郎語論交願與歡伯偕人生難得杯在
手天上有星還主酒

城頭鼙鼓欲二更筵前紅燭參差明主人起舞客稱壽百分散
打觥船行長吟短詠亦可樂何用聒耳琵琶箏座中總勝公榮

偶相對那能不與酒

卷波滿酌紅玫瑰
僊俄玉山猶未釁
重門上關井投壻
勿用此時持事來
半酣離坐拓金戟
更出諧語相嘲諤
君看糟溢更耐久
願君舉醕休辭酒

倒冠落珮君勿嗔
謬誤須當恕醉人
我生戶小不自量
媿此十斛玻璃春
虛堂說劍出奇語
自覺肝膽猶輪囷
笑謂諸公且屯守
今夜伯仁真被酒

涼蟾欬墮夜未終
一繩寒雁排高風
官街閣閣響秋柝
僧寺隱隱鳴霜鐘
醉墨淋漓汗衫裏
腕底硬語猶盤空
聞道解醒須五斗
明日閉關應頌酒

平生有癖好著書丹黃譬校千箱餘茫茫文字上下古欲持寸
管窮其初空齋踟躕壁徒自苦窮年仰屋計已疎身後虛名亦何
有且盡生前一杯酒

少年落拓不解愁持螯爛醉黃花秋幼輿自許邱壑置司州時
作林澤遊同時酒徒半零落今我不樂將何求只憐鄉味別來
久安得快斟京口酒

晚秋遊太平寺

衆情共奔悅言訪祇樹林煙霜翳曉色秋郊千里陰細路入平
楚崇臺俯長薄華妙瞻寶相肅肅堂宇深暫離城市喧喜聞鐘
梵音機事倏已忘悠然太平心

九月二十二日宿沙坡驛舍河聲噴薄塵襟灑然作詩記之

高榆古柳參天青眼明見此好驛亭入門下馬踞牀坐泓峥蕭瑟可以娛瞻聽長河咫尺欄楯外飛濤直下如建瓴中流突有巨石礙衝波拗怒迴奔霆須臾睨日墮峯背陰霞散落煙冥冥雁驚號鳴集沙渚漁火歷亂爭寒星河流入夜聲愈厲洶洶欲撼堅關扃颯沓晴天過風雨蒼茫水府驅神靈胸中埃壘盡盪滌使我心骨俱清冷秋衾獨擁枕手臥迢迢旅夢三更醒忽疑小榻自掀簸彷彿春江放溜揚艚舲

賀蘭山積雪歌

芙蓉山館詩鈔

卷六

四

君不見賀蘭山色青嵯峨倚天疊嶂開煙螺長風盪雲生翠波
照眼光寒忽相逼千峯一白排空出飈車夜碾陰崖裂陰崖太
古雪未銷新雪又復埋巖腰茫茫旱海堆銀濤銀濤百丈拔地
起玉龍蜿蜒露脊尾歎霧挈雲狀謠詭夕陽倒影瓊瑤臺憑虛
彷彿羣仙來素鸞白鳳紛毳毼決眚狂呼訝奇絕肝膽槎枒冷
如鐵不識人間有炎熱爰降城畔寒沙平回樂峯頭孤月明高
低激射搖光晶安得手攜九節杖直上層巔披鶴氅一曲高歌
眾山響

讀益川集

胸羅斗宿爛生光健筆橫馳翰墨場當日聲名出虞駱吾家體

格木齊梁曾從夢裏分餘錦時向行閒挹古香千載懸河流派
在爾曹輕薄莫評量

沙溝夜行

千山同一暝行子尙孤征雪樹有遠色風鐙無定明殊方驚暮
節薄宦感勞生縱譜西烏曲難傳此夜情

宿毛卜喇驛舍偶成五韵詩

因悲此行役轉念背閒居步兵惟捉酒文園懶著書東橋行藥
罷南榮偃曝餘漫言從宦樂誰憐作計疎荒途雪三尺日暮未
停車

驅車投古驛不暇計郵程野埃飢烏集空槽羸馬鳴覆垣煙樾

暗當戶雪峯明浪迹如蓬轉徂年似電驚靜夜聞邊角勞人百感生

回中西王母祠用唐鄭畋謁昇仙太子廟韻

漢代留仙蹟琳宮敞次寥回中欣乍到海外恍相招蓬島樓臺古樊桐歲月遙叢祠自榛莽芭舞尙蘭椒似有祥雲護誰言佳氣銷奇葩鮮擢穎古枿秀凌喬憶昔瓊軻駐曾看絳節朝密書三鳥遞法樂八風調雅奏傳湘瑟清音叶洞簫袿裳爭窈窕冠帔闕嬌嬈月滿疑迴扇虹垂欲化橋洛妃貽翠羽漢女採芝苗六甲細圖秘千言綠字饒嵇嵇花鳳尾宛宛玉龍腰懷夢香銷麝潛英帳卷綃室餘丹竈冷陵已寶衣燒靈藥顏難練蟠桃實

早凋無綠攀少廣空擬築昆昭別殿纔長樂離宮又遠條塵寰
經浩劫仙駕渺層霄秦嶺高低樹神山上下潮何當參侍從執
蓋入雲飄

擬蕭貫曉寒歌

露井宮鴉啼落月漏箭無聲玉虬咽瑤鉞水凍斜紋裂碎紅不
墮釭花結呵光奩上銅照昏簾絲串斷留霜痕麝薰空炷九微
火象口細香吹不溫彎環六曲屏風遶雲母空明催白曉鸚鵡
驚寒語悄悄一點紅萍隔煙小

社日郊行偶作長句

勾萌甲坼土脉融邨邨擊鼓賽社公比鄰邀迓集婦媪攔街噉

跳譁兒童捋豚燔黍尙古意莫以樸僂嗤邊風去年亢陽少甘
澤芋魁飯豆苦不充簞車禱祝冀有應故遣巫陽呪歲豐神靈
迎送例得雨願早試手煩龍工豆田見角穀垂穎餘潤徧及非
與茲提壺樹底勸耕作坐看春物爭昌丰我本農夫偶識字一
官素食慚無功百弓下濕待鋤理願就魚麥歸江東依依桑柘
夕陽下相逢泥飲來田翁不嫌邨荒酒味薄更乞一餅能治聾

題離騷九歌圖

昔年痛飲讀九歌逸興遡欲凌雲波眼明今忽見此本百靈祕
怪皆駢羅精心布置刮造化厯厯指掌看旋螺太乙神君倏來
下蜺旌翠蓋交相摩齊驅兩龍作驂服頭角突兀形委蛇誰矧

椒漿醉司命瓊輦斜倚顏微酡天門蕩蕩羽衛肅少君冠劍同
鬼義湘君夫人兩窈窕顏如玉色揚修蛾手持絳節導輿從指
搗河伯鬢九河鱗堂貝闕爰飛動賊水迸集爭漩渦雲將決鬱
徧六幕排風馭氣乘高駝日君煥赫噓紫燄九光照爛榑桑柯
幽篁山鬼亦媚嫵解采三秀尋烟蘿國殤猛志固常在帶弓擐
甲操吳戈其餘幽詭難悉數刻蠶細碎窮么麼我聞三楚尙巫
覲神叢森列淫祠多雅孃仰面呻復嚏靈談鬼笑紛婆娑騷人
竟逐鴉鵂放面目慘悴行江沱淋漓大筆正謬俗如掃氛霧瞻
羲娥鼃咬屏絕雅聲暢傳芭代舞廣陽阿畫史亦復可人意巧
構形似無差訛湘纍奇蹟落吾手卷圖南望長吟哦吟聲出吻

苦信思我歌與古原殊科方今羣神各受範震風凌雨回甘和
青曾黃頰變元化汚耶蟹渠皆宜禾蘖魑蠃除罔兩伏比戶康
樂無札瘥歌成或可迓田祖前邨社鼓如鳴鼙

王春浦齋頭水仙一叢春深始花愛其姿致娟靜漫賦長
句

東風吹出瑤花朵藕獲淩波嬌帖妥照眼驚看豔雪明侵衣怕
有涼雲墮紫几湘簾位置宜數拳翠石簇花盞憐他故國移根
遠憑仗騷人好護持冰魂欲化通春煥漸見靈芽抽短短招得
飛仙海上來誰道國香天不管水沈依約度微薰彈指春光過
二分花若有情應悵望腰圍瘦掩砑難幫月痕滿地霜華結對

舞亭亭玉煙節幻影玲瓏看欲無
么絃宛轉彈初歇清心玉映
澹丰容散朗兼饒林下風留伴清談
破岑寂漫拈好句鬪清工
邊城二月春寒重草甲苔衣青未動
縱道開遲卻占先羣花尙
作江山夢空香鼻觀靜中參欲話幽情
半吐含水碧沙明曾見
汝舊遊爭不憶江南

空同山紀遊一百韻

空同鎮西陲五嶽推爲伯古帝所登臨
仙真此窟宅山經縱荒
詭爾雅最詳覈漆園誌軼事龍門証羣籍
剛武著人風博厚辨
土脈傳疑名偶同考信記徵昔惟茲蘊靈奇
孰能並雄特神功
謝雕鏤天骨立癯瘠萬景開麗崎一元闕寥
闕際野褰鵬囀排

空露鯨額三霄爛金光百里純黛色望望神爲馳卒卒身未歷
非無邱壑志苦爲風塵迫今來值休暇小住息勞役霽景湛清
澄春容藹明燼挈仲果幽尋逃俗得佳覲超遙出重闔逶迤越
廣陌腰下懸火鈴足底躡雲屐真訣呼林央靈符倖魑魅意行
無滯礙銳進忘驚惕水曲淺可亂山椒勇先陟石墮星淪精崖
空月留霸魏宮煥丹雘傑構倚巖壁軒黃傳祕典廣成畱化迹
岐途七聖迷幾關萬靈直膝行下風進口授至道極守一契窮
冥馳和尙昏默大驪害馬去罔象遺珠得幻夢游華胥神漢飲
終北由來真人蹤非可常理測中峯聳處尊衆皴鬱如積攢峯
小曰歸列嶂屬者嶧梵宇敞十楹貝典藏萬冊文從身毒求字

記鳩摩譚前朝誇創造帝子慕禪寂空香縹夢標天花散衣袂

白業彼所耽黑學我未識

明蕭藏經樓尚存

徑紆修蛇蟠臺壓伏龜息

靈龜臺

羣峭紛上千重險忽南闕異境屢迴換舊蹟窮搜剔仰瞻

浮圖高稍喜僧院僻風鏘鳴清鏘石泉疏滴瀝東岡削高青古

穴洞深黑上真駐法從元鶴騰健翮迴翔影或觀杳渺迹難覓

北嶺最峴奇中斷著嵒塢移非夸蛾負嵒豈巨靈攀螭繆架雄

竦連蟠截雌龜石磴五百盤鐵鎖八千尺呀喙口忽怯重脰足

疑蹙首俯尻益高脰悵目先逆高登嶽黿背危立老蛟脊林莽

如積蘇城郭同摘埴齊州九點青長河一絲白危峯名礧礧

峯有松三百餘株狀極奇詭風起則其聲如雷故名

長松蔭交格掀騰軋波濤拗怒摧霹

懸乖龍奮鱗鬣猛兕觥角觥窘束貳負尸膏乾女丑腊常含煙
露滋不受斤斧阨樛枝絡兎絲盤根孕虎魄齊年多梗枿後輩
列枯柏帝臺尙置碁仙人亦耽弈巨碣誰磨治方罱自刻畫石
腴髓流丹草勁髮擢鐵華池冷宜漱上藥佳可擇山叟試赭鞭
羽士矧元液瑤湓盪虛明翠岳混空碧繁花態嫵娟幽鳥聲格
磔西臺瞰幽翳中夏失隆赫窅崖層冰凝哀壑迅湍激巖巒皆
軒昂氣勢互凌轢或如威鳳翔或如怒猊擲森森擁旄仗霍霍
交矛戟跬步錯陰陽彈指變朝夕神光倏合離怪氣或紫赤

句

回頭詫險惡卻坐轉惶惑冥蒙夕隳斂曉曖斜景晃偶投招

昌黎

提境快得清曠域雲臥愛高寒塵襟盡蕩滌象緯儼在旁精靈

恍疑逼梵放靜鐘魚廣樂聞箏笛小憩憑藤輪敲眠拂石席
食分盃盂茗飲對鼎鑪我本山水人夙負林霞癖冲情竝
廳駕清慮馳煙驛曾覽九仙方疑自三清謫誰令嗜臭腐
遂致困羈勒豈曾久乖離丹經浪紬繹難求邯鄲枕空慕
阜鄉舄塵根未祛六人壽希滿百安能超世網長此依山
客幽懷得忻暢弱植免淪溺茲遊冠平生觸境皆創獲尋
思去來因頓恐仙凡隔良期難再遇往事勞追憶發倡聯
吟朋紀勝命子黑絕叫互擊壺高談同岸幘健筆扛龍文
餘力洞犀革奇觀搖心魂狂吟豁胸臆思將一長劒耿耿
倚穹石

畫卦臺

首纂三微統蒼精出震雷法天通窳窳審帝得根茲星紀初迴
次虹光久遶胎方牙傳讖緯大蹟表奇佞御世歸先覺生民尙
未孩精思陳六峯神化奠三才卦起苞符洩圖張彙籥開畫爻
先象繫積數北京垓亭育乾坤縕雕鏤混沌胚炎黃心授受姬
孔道兼該自是元功大甯論智網恢陰陽探始素文字紀初哉
制作移時定經綸一理推朱絃彈鶴辯廣樂奏扶來萬彙憑陶
鑄羣靈入化裁如泉疏汎濫似斗執杓魁樸略難徵事洪荒豈
有臺後人增棟宇此地闢蒿萊繪畫龜龍馬周環栝栢槐重欄
峙雲際浮柱倚巖隈渭水波翻雪秦山翠作堆靈旗瞻曷爽神
物降穉羣邈古仍元象塵寰幾劫灰仇夷山四面相對鬱崔嵬

河干夜月偶成長句

落日餘霞沈翠巘長河出峽春波滿須臾圓月湧中流倒影空
明見崖窾晶輝上下相激射此夕塵襟全濯滌參差烟柳遮沙
渚故傍清陰行緩緩村荒地僻人迹稀惜少閒園門可款卻歸
旅舍翦孤燭差喜相攜有吟伴彥倫屬思頗經奇叔追談詩更
清遠更闌坐對不成眠花乳泠泠浮碧盃

遣春

野曠愁空春藉岑四圍繞薄靄凝華天初陽翳紅照高柳曳長
煙朝光乳雅噪遠水蕩明流浮媚鮮雲罩時過一百五春意來
遐徼荒原草甲蘇微綠入清眺小桃塢新蕊楚楚亦自好嫣香

墮遙吹露臉不成笑蒲芽抽暗渚噴噴啼蛄弔苔錢青壓懸幽
襲渺人到風花倏過眼觸物增戀嫪華客易衰歇騷客減丰調
浩蕩望吳雲羈心劇懸纒頗憐鷗情逸自覺鵝性傲幽襟拂繁
事安得適吟嘯願言乞綸竿河塢且垂釣

秋夜曲

銀河耿耿涵星影涼露圓光明綠井美人獨坐怨更長淚滴秋
會錦花冷中庭誰種青桐樹夜夜烏啼達天曙六曲屏山鎖夢
雲天涯何處尋郎去紫蘭紅蕊不禁秋樹影蛩聲滿鏡愁水晶
簾箔寒生處夜靜無人月自流

送客

送客過蕭寺僧牕落照明一峯先暝色萬本盡秋聲鞍馬勞人
夢蓴鱸故國情天涯久留滯悽絕庾蘭成

秋感

青春彈指去恩恩薄宦天涯信轉蓬與我周旋甯守拙隨人趨
走本難工恥爲夜客甄長伯甘受狂名蓋次公頭白草元吾豈
敢祇應辛苦老雕蟲

邊城蒼莽獨登樓落日長煙動客愁萬里商聲隨塞雁滿天霜
色上吳鉤好尋蘿薜成孤隱莫話蒲桃換一州躍馬呼鷹當日
事不堪回首憶前遊

十年一障近瓜沙憔悴青衫兩鬢華賸有筆能飛白鳳竟無金

可鑄文蛇篋中空著凌雲賦海上誰乘貫月槎何事升沈勞較計飄茵墮溷總風花

千塲縱酒蹋華筵每聽清歌輒竄然故國雲波縈昔夢殊鄉節物感流年離心懸似當風蠹文思艱于上水船擬築維摩方丈室焚香掃地且逃禪

夔兒讀太白集口占一律示之

胸懷浩蕩海難量豈獨文章光燄長氣格直應凌屈宋風流原不薄齊梁夫人似此真分界只怨從來付兩忘萬里夜郎國歸後曾無一字報汾陽

東坡先生破硯歌爲張堯山作用集中龍尾硯韻

張君破硯極寶惜什襲弄藏抵蒼壁摩挲手澤重坡公萬古文
章一方石森寒風雨落華時光茫磔索鐫銘辭何年雲璽忽迸
裂星精墮地無人知疾惡如風掃氛垢高節嵯峨世希有甯甘
玉碎恥瓦全殘缺非關劫灰後華嚴法界觀浮雲六十小劫吹
微塵得窺公家祕密藏猶有我輩歛寄人羨君好古精決擇邀
我題詩勞刻畫仇池九華儻兼致到眼尙能相識別

寒夜山

明星歷歷光侵檐霜華如烟吹古簾殘釭背壁碎紅墮愁人不
眠擁衾坐誰家翠裏彈箏篴觥船行酒酣高樓豪犀壓帷寒不
入猶翫豐貂護嬌額

漢裴岑碑用山谷集中磨崖碑韻

碑文云惟漢永和二年八月嶺煌太守雲中裴

岑將郡兵三千人誅呼衍王等斬馘部眾克敵全師除西域之災闢四郡之害邊竟艾安振威到此立海祠以

表萬

世

永和二年破呼衍燉煌太守留殘碑斬馘部眾艾邊竟如以利
刃決亂絲郡兵三千勇且銳蒼頭奮擊從廬兒蕭條萬里大漠
西龍祠巖幕無安栖文詞壯偉篆渾古心知其是非贗爲當年
東觀缺紀載但傳班勇殲車師延光以後武備弛屬國驕蹇戈
矛揮裴公此舉功不細河西四郡關安危燕然厓石勒威德唐
鼓繁木歌聲詩漢家好大重邊績胡遁薈史無喪辭駟駟疎脫
謝承誤范傳埤和聲相隨奇功湮沒知幾許摩挲遺蹟令人悲

宿廣武旅舍月色如畫通夕不寐因成拗體排律三十韵

以寄劉雲

曰歸別儔侶言邁逾郊坰飛梁澤腹度危轍山腰經枚數雙隻
埃籤記長短亭紅隱孤景入翠合羣壑瞑徑投野店宿稍喜征
驂停夜氣頑鳳凰天風颭清冷素彩懸皓魄明波湧圓靈肅肅
立疎木離離欽繁星急響邏街柝淒音戛車鈴村釀不成醉勞
歌詎堪聽嗟余行未已念子心無甯憶昨歡聚首相對俱忘形
清言絕癡謔促筆嗤眠挺方駕攀屈宋高步追溫邢潛心襲元
賓奮身闢驚靈凌虛佩六甲鑿險驅五丁照乘珠出握荆鎗劍
磨礪異錦炫斑駁良玉錯瓏玲耽奇摘新豔嗜古搜遺馨驟耳

騁逸足長麗刷修翎諧聲叶宮羽送抱除畦町炙硯共雪屋聯
床集寒廳談深官鼓歇坐久牕鎗熒如何搏沙散忽若墜雨零
密契託蛩蛭浪迹慙蓬萍空齋爾索寞岐途我伶俜覓句燭見
跋懷人月移櫺檣馬饑齧莖羸童僵觸屏霜華浮淡白海色澄
空青未識夢中路僕夫催展轡

芙蓉山館詩鈔卷六

原受業華景孝校訂

芙蓉山館詩鈔卷七

金匱楊芳燦蓉裳著

元夕夜坐偶成

薄晚雲翳收天作凍黛色常儀浴其團百道寶光直須與度瑤
井萬頃瀉銀液鐙聲亂如沸車馬闌廣陌掩關謝紛譁斗室坐
虛白澄輝入懷抱如濯冰壺魄人生異所尙喧寂各有適盈虧
茶瀹綠泛几鑪熏碧呵硯墨微融清歡記茲夕

齋居十首

官齋十年住不異子雲居當戶有奇樹堆牀多異書尋春分社
酒侵曉摘園蔬薄宦安吾拙浮沈愧甯遠

畫永荆扉掩庭虛枳徑通坐來移鉢鉤興到理詩筒舊侶長相
憶新吟苦未工風光過百五花事情恩恩

高談誇絕倒對客埽烏巾自覺風塵倦偏於卷帙親元文真尙
白彩筆不能神寬負平生志終爲率爾人

繞榻茶烟細于午夢醒時臨乞米帖別著養魚經祈穀農語
喜占鶯鵲語靈自來疏情慣不是慕沈冥

林影疎疎直煙光澹澹陰看山添遠色聽鳥換新音索解談雙
樹偷閒戲五禽莫因塵事擾惆悵損春心

魚子浮新水鳧雛浴淺沙綠痕歸岸柳紅意到溪花嬾覺詩情
減愁憐春望賒催耕向郊墅便擬命巾車

南樓堪縱目落日一鉤簾野水澹搖影遠峯微露尖繙經開白
氎服散合青黏許領閒中趣從誇吏隱兼

庭階少靜辭竿牘詎云疲有託耽幽賞無悵改舊詩閒雲依樹
靜斜日過牖遲獨酌懷歡友蘭時久別離

晚衙人吏散襟抱有餘清向榻閒吹笛桓伊快撫箏星窺虛牖
入月傍小檐明坐到殘缸炷風傳疊鼓聲

攬鏡看容髮樓遲黯自憐鄉心隨夢遠詩語似春顛擊鉢還矜
捷揮毫漫鬥妍怕人嘲慢戲如意帖吟牋

晚晴偶成

溼雲未全斂斜陽林外微苔花雨餘澗澹碧明人衣春事忽已

去所嗟賞心違望遠觸離緒寥寥冥禽飛

別古槐

庭西老槐樹我客君是主投分忘形骸不覺十寒暑夜吟踞瓜
根曉吟蔭高枝十年去如瞥剩有千篇詩君材最輪囷我氣亦
斗藪問君千年來曾見此客否秋滿客行去難忘唯有君遠夢
隔翠雨離情空碧雲相對各淒然客愁主無語且把訶陵樽酌
君中山醕低首拜石丈米顛具衣冠文饒童子寺頻報竹平安
今古有情癡文人同一例再拜贈君詩別恨君知未

重過彈箏峽

落日亭亭鞭影度長煙四合青山暮彈箏峽裏少人行淺瀨明

漪照秋鷺巖泉滴瀝成古音仙風飄落寒翠深冷然天籟無定
譜移宮換羽隨人心客路重聽吟興愜清響漸遙人出峽回首
殘霞空外銷一痕纖月如銀甲

雨牖懷王二雪舫

門少經過客南榮夜坐時重陰催暝早積雨放晴遲野蔓縈牆
角階苔上井眉瑟居空慕侶漫興且裁詩

宿香臺寺

流雲過遠空片月墜高嶺客心淡無營禪關掩虛靜仙梵自清
圓香鐙照僧影

野行卽事

曉起命巾車村路行屈曲不知誰氏園數椽傍巖築空庭春草
長蝶意媚幽綠

喜錢三獻之過平涼阻雨小住次日遊柳湖書院卽事賦
贈

故人不相見彈指星紀周吏道坐自拘非關路阻修豈無空中
書往返勞星郵不如一搯袂中懷盤紉繆聞君奉官符轉餉天
西頭我時寓朝那孔道識所由今晨當關報果見一刺投倒屣
出迎君喜極涕轉流無從溯離緒欲語舌在喉勸君且安坐約
君三日留是時天久雨塗潦妨行輶積陰晦原野五月披重裘
官行雖有程遇雨可小休爲君做虛堂山翠當簷浮斷酒吸茗

潘加餐薦芹羞君才最雄獨說經世無儔辨三倉五雅証八索
九邱高文儼崔蔡傑句凌曹劉尤工篆籀文腕底騰蛟虬凡將
急就篇上下窮研搜坐客乞君書落筆神明迺適斯冰去未遠隻
字成琳瑯布策妙管郭說劒追風歐龜枚與鳥卜絕詣靡不收
高談析羣疑四座無喧啾次日稍開霽雲駁風颼颼城西有講
院柳湖佳可遊方池一碧淨雜樹萬綠稠冥冥野竹交獵獵塘
蒲抽地偏人迹絕室靜禽言幽小憩偶藉卉高尋或攀樛灑灰
禁吹蛤持竿釣沈鱗風光信可戀欲去還夷猶君懷疎且曠我
癖堅難瘳共是湖海人狎鷺盟閒鷗歌呼拍銅斗長年不知愁
如何墮塵障觸處生癢疥我齒齲然脫元花翳君眸誰憐汗血

駒竟作蘭單牛有書身無事此外甯多求願言就魚麥與君執
手謀江干買薄田相對操鋤耰

讀二弟德陽道中留別三弟詩愛其情詞婉篤有觸余懷

漫賦長句

三載戎行盼君至此日官齋欣把臂回首全家住錦城一官苑
繫憐予季示我郵亭五字詩蠶眠細字寫烏絲君緣抗手悲今
別我怡關心念昔時弱齡爾我傷偏露季弟扶床纔學步聰明
已解識之無少小相從授章句貧賤生涯百不聊鐏鐙如豆坐
深宵家風共耐蠶鹽澹舊業還欣卷帙饒一官捧檄過關隴遠
道逶遲版輿奉頭角嶢嶢漸長成七年子舍晨昏其經史紛綸

恣意探傳家文筆已能諳我知戰協應慙充人道機雲尙有耽
君時奏賦直芸閣北望長安感離索形影相隨祇阿奴推梨讓
棗華年樂最憶嘗陽烽火驚弟兄倉卒扞孤城烟塵慘澹愁三
月骨肉團圓慶再生一年奉母之京國一年迎婦還鄉邑西去
君投介子觚北行季射蘭成策幾度分攜只偶然者番契闊竟
頻年超遙蜀道青天上悵望秦雲落日邊千盤棧閣愁烟鎖此
度別君如別我已分魂因送遠銷不堪淚向臨岐墮漫道同根
荆樹枝如何花葉易參差桂松廨舍哦詩懶謝草池塘選夢遲
君詩真摯無雕績白璧明珠堪作佩果然好語動人心我亦勗
奴須自愛願得承歡其北堂堂前雁雁喜成行岷江水接巴江

水兩地離心爾許長

雨中看山

秋山無媚色秋雨有古音
峻嶒煙霞骨蕭澹梧竹心
凌晨起盥櫛清氣盈我襟
几硯淨如拭不受纖埃侵
溼翠逼窗冷微流落池深
雨止山更佳憑欄發高吟

說餅三十韻

仲秋節物佳作餅肖圖魄
贊原出白磨饋且徧隣戚
大庖湯官供小市鼎娥職
餽餽楚些傳拒枚方言釋
豐收穫雉穗美碾噉鳩麥
重羅颺珠塵淨釜沒雲液
牛酥厭臚膩豕膏喜肥澤
潤分不蜜鮮潔點蔗霜白
細剝蠟瓜瓢新脫珍果核
輪廓妙搏掬花

樣工刻畫侈應裂十字豪或誇五色壁櫛扶寸強鏡圍八銖直
對此愜清歡相於賞良少次第薦蘭茝周遭展瑤席穹翠絕纖
翳涼輝蕩虛碧團藥佐孟枸重疊飮盤榻凝脂滑欲流純綿輒
宜孽華泚漱玉漿嫌山咀甜雪哆口笑魚臉缺景驚蟻蝕充虛
作談助銷夜吹茗癖殘牙愧零落俊味堪珍惜桓元油恐浣王
熊緣休擲老去戀甘腴興極追疇昔紅綾早無分銀花曾未識
屑檢不癢貧剪韭惟供客寒具慰輻飢冷淘嗟旅食敢嗤公羊
陋幸免邪卿厄說工愛吳均賦俳類東哲恣餐知腹負頓頤求
口實虛名不可啖畫地復何益

仲秋同黃葯林韋友山登白塔寺覽金城關河橋諸勝因

作長句

金城形勢天下雄羣山西向長河東雀離古寺出天半山色河
流紛到眼塞天微霜昨夜零木葉欲脫山痕青飛樓去地已百
尺水氣平檻長冥冥河流怒觸山根勁山勢爭迎逆流迸大地
雲岫衆軸搖晴天雷輓空巖應中流橫繫廿四艘鏤索連亘三
千條峻嶒似脫瘦蛟骨屈折欲斷長虹腰憑高對酒意飛動拍
手狂歌浩呼洶九開明波一白浮千盤秀色層青涌黃香標格
今無儔韋郎偶儻真名流登高何必待重九適興到處成佳遊
抱山心事還依舊只恐觀河面先皺萬里關心故國遙廿年彈
指華年驟暝色蒼然生遠峯語君吟眺暫從容酒闌攜手下山

去天際星星聞寺鐘

長句送韋友山出關

相逢卽有情相識卽難別漫道空王有夙緣此中情事無從說
我昔聞君名未嘗見君面東西宦轍相背馳君到蘭山始相見
識君恨已遲別君一何早霜氣落黃榆風威凋白草客舍悲秋
已慙歡送君又出陽關道君才倣儻天下奇儼有百賦千篇詩
崑崙華嶽起方寸欽寄厯落無人知嶺嶠十年原浪漫一官久
作浮雲看萬里投荒未足悲話到高堂腸欲斷浩蕩度龍沙愁
多兩鬢華小人還有母遷客已無家粵西子舍仍孤寄入夢慈
顏總憔悴衣上猶看密密縫客中難制泫泫淚我心悲君復慰

君至性自足回蒼旻況今 聖德徧八極定有雨露蘇枯根邊
雲橫大漠秋氣偏蕭索征裘犯雪輕別酒經寒薄爲君慷慨發
高吟朔雁南飛盼好音飄零塞外悲張儉遊俠關中仗季心
安費大令歐餘時以千金爲君贖緩臨岐贈予以長揖轉眼流入玉關入稱觴重
奉北堂歡解橐急繙西戍集

藝香圃菊花盛開適逢九日秋雨新霽小坐花下同二弟
作

雁風吹裂雲波明天意滿放重陽晴窺窗山色碧如許樹杪猶
飛昨宵雨參差牆外菊一畦疎綠長與衰黃齊中庭更放千百
朵秀影壓燕迴闌低招攜何必登高去且對名花作佳語爐烟

出戶淡微微。茗椀留人華舉舉。此中靜趣無人知。花卻凝情如
有思。涼颼蕩漾搖亞枝。得意似賞吾曹詩。把杯還向花前酌。一
院秋光人薄醉。冷香叢裏立多時。黃蝶飛來上衣袂。楓林高下
斜陽紅邊撩點綴。景亦工閒吟。東臯薄暮句。恍到北苑新圖中。
君不見百年幾度逢佳節。流景拋人最堪惜。問花花亦憺無言。
坐到紛紛涼月白。

遣興四首

西風吹萬木。各自吟秋聲。脫葉雜寒雨。策策飛檐楹。獨夜掩關
坐。釭花暖微明。散帙發高詠。翛然神骨清。文字有結習。江湖多
遠情。

商聲引清激夜氣愛蕭爽更無塵務嬰斗室足偃仰心淵湛然
明一靜息諸想卑棲念故人任達忘悵快桓譚六安丞班彪望
都長

少無適俗韻

陶

長有棲山志言尋遂初賦此事原不易故劉三

畝宅上水百弓地必待作計成我見得毋滯落落雲無心泛泛
舟不繫

拈花忽有悟歸風時一吟過眼感風花忍俊不自禁游雲本無
質枯桐本無音五色塵於錦七絃徽以金聊憑莊嚴相寄此空
明心

題梁溪女史吳璫環仕女小幀

寫韻人傳吳彩鸞鏡中留影見姍姍嬌如新月真宜拜瘦到秋
花轉耐看詎仿朝雲留粉本自研消露點冰紈東風未許芳心
展翠衷伶俜日暮寒

圖中著蕉竹數
株意極蕭澹

十二月十六日雪後對月同二弟作

雪積層峯嶺月出遠林頂凍雲搖曳吹作絲浩浩明波灑千頃
當庭老槐無葉飄空枝尙夏風蕭騷窺簾星影小於栗匪地霜
氣流如潮眾籟無聲月亭午寒光照人毛髮古相看兀兀兩書
生對擁殘編聽官鼓小童琢雪巧作鐙蠟烟數點參差明牆眼
揜莢玳瑁色履底悉翠玻璃聲冰花滿硯尖毫重綠乳半甌茶
欲凍興來伸紙續清吟各抱冬心不成夢

外弟顧行可來蘭州長宵話舊成轉韻九十六句

邊沙塞雪金城陌歲暮騷人意悽惻忽報江南客到門敝車羸
馬風塵色江南我別二十年親交零落俱堪憐出迎果喜見君
至聯牀對語宵忘眠昔年別君我能記君小猶梳兩丸髻久別
渾忘歲月還相看各訝客顏異君家舊宅城南隅當門榆柳青
扶疎北居北里路咫尺雙梧樹底三椽廬髫齡記住外家好繞
膝牽衣索梨棗聰慧偏蒙大母憐嬌癡總說彌甥小相從舅氏
學執經文字了了通心靈丹黃狼籍書滿榻老屋靜對殘釭青
謝庭昆季俱英絕其我搜奇門知識益辭先誇論史工客兒雅
負吟詩癖橫行闊視百不憂跳蕩自許非常儔尋山吹火自蠟

展乘夜泛月還呼舟東齋十笏開軒砌雜樹疎花栽隙地拋墻

常遭隣舍嗔啄釘憤逐兒童戲流光冉冉秋復春年行長大家

苦貧勞生從此別親舊乞食那免趨埃塵出山泉水移根橘我

愧功名太倉卒萬里伊涼去路長千盤關隴官程急別來變故

不可論舅氏捐館荆江濱

謫齋舅氏歿於黃梅書院

湘波浩淼楚天闊窮紙

何處招吟魂當亭解舍同棲止一病拊棺傷仲子

學和值余至伏羌歿於官

舍纔賦論都季雅亡

雙瞻以選貢入都未及試病歿

早探元測童烏死

傳爰早夭就

中伯氏才最奇曲江江頭曾賦詩冷官苜蓿未三載尺書寄我

悲長辭

立方於丁未成進士得蘇州教授癸未歿於官署

口銜石闕奈何許阿孃問天

天不語玉樹凋零沾劫灰白楊蕭瑟空齋雨昔時親串冷眼看

誰憐未葬六七棺，慙孫贖有一身在生涯。落拓憂飢寒，讀書堂
廢前楹毀。昔日住人今住鬼。唐 瓠瓠苔荒走夕燐，池塘水涸生
秋葦。吾家弱弟官錦城，君亦襆被西南行。高堂相見淚盈把，故
家中落難爲情。瞿塘駭浪如奔馬，干戈叢裏扁舟下。非關鄉思
感丁年，爲覓墓田營丙舍。眠牛地卜山之隈，亟具畚鍤除蒿萊。
孤兒負土封馬鬣，一慟萬壑松風哀。宵闌燭淚無端滴，君語唏
歔我心痛歷歷。兒時景逼真，那堪回首都成夢。悲君世母猶倚
閨，飄蕭華髮不滿梳。何時歸去侍母側，爲供夕膳兼晨餽。君不
見十年鏡裏秋，睂換我亦天涯宦遊倦。小隱甯須舊侶招，好山
只合家鄉看。坐聽荒雞已再號，晨星寥落曙天高。一言破涕還

成笑爲說衰宗有鳳毛

時立方子翰已補弟子員
學和斐瞻子俱秀穎能文

新正八日二弟督兵自平涼至秦州作此誌別

犁旦送征人明星照岐路語長牽別袂愴悵不能去從行皆健
兒鞬刀縛衣袴彎弓向天狼士氣有餘怒秦風故懷慨同袍爲
君賦儒生握兵柄豈曰非奇遇胡爲久屏營所懷別離遽半載
共官齋桂苒流光度忽奉尺一書又叱卬嶮馭尅日作急裝值
此歲云暮東指數郵程冰雪關山迥高平曾假守十口尙漂寓
僦屋大道旁留君姑小住到日正除夜作歡還治具守歲擁紅
爐明燈然達曙骨肉話團圓繞膝戲童孺送巡畢正臘春風漸
和煦戒途君欲行惻惻寡歡趣君復慰我言此別知易晤雲棧

望迢遙慈輿錦城駐量移

主恩厚喜得遂烏哺兒亦離

去風

塵初衣返其素會當定省來晨昏共容與相期愛玉體別後書

頻附飲餞出東郊軍書絕塵驚上言米賊狂攔江竟偷渡周防

一鄣危鈔略千村懼幕府急拜章謂君悉機務就道勿稽遲速

領援軍赴急病而譏夷臣職敢違迓莽莽秦州山離離渭川樹

愁烟暖廢墟荒雲暗孤城我曾遊宦地君今過館處疇昔捍危

城追憶心猶怖健婦供轉輸丁男應招募君試問羌人艱難諒

能訴君久歷行間萬謀精一慮地形扼險要山勢識盤互制勝

貴先機成功賴多助所仗在忠信可濟惟仁恕特重環武剛所

整垂跼注早摧張角鋒汎掃裴僣霧流庸衆腐復金湯百雉固

捷書達九重
邊氓盡安堵
努力更加餐
風霜慎調護
行矣事戎軒
勗哉戒徒御

曉起卽事

隋寒簾外飛輕雪
銀床素綆輕冰結
逡巡曉日紅
傍檐桃花一枝嬌
入簾我吟一詩成
枝頭一花放
東風吹春春意蘇
煙影花光兩搖蕩
春光自去客自留
掩關兀兀慵出遊
滿院蒼苔人迹少
護花鈴語絮春愁

遣悶二首

一行歸雁過汀洲
有客天涯歎滯留
倚枕不堪思往事
杜門無計卻閒愁
風前晚磬來僧院
樹杪春山入郡樓
昨夢五湖煙水

芙蓉山館詩鈔卷七

三

闊曰歸何日買扁舟

漠漠寒雲逗雨絲邊城芳信到來遲
忘機不耐鑿碁局任達何當咒酒卮
廿載宦情青鬢改半春愁緒綠楊知
維摩一榻蕭閒甚檢點風光付小詩

庚申四月余將北上留別蘭州僚友兼寄二弟一百韻

地闢金城壯關連玉塞遙西秦一都會
全隴此邊擿積石驚濤激爾千峻嶺
嶠依山圍列堞壓浪駕浮橋驛柳將吹絮
原蕢已秀萋碧陰初匝匪朱火未炎
燄平楚晨光連輕塵宿雨飄遊行人
祀輶送遠客聯鑣漫士甘卑宦窮年
歎久僑傷離魂黯黯感舊話饒饒捧
檄纔投足當官學折腰性還同野鹿
心不慕華貂

迎養謀升斗移家挈黻韶儒風本寒素衆譽愧清劬卓犖偏人
騷飛揚僞氣歎休徵占井冽吉卜問壅焦奧渫材甯屈高明福
可徵五行誇應奉千卷傲崔儵樸學羞蟻智方聞恥汎剽駿思
支遁馬奇賦杜陵雕勁翩翩韞神姿就服幃從容奔走地期
會簿書朝孝綽從甯朔潛夫謁度遠香名流齒頰盛作仰魁杓
樹義能傾座談元各建幟張融仍緩帶向栩自輕幪入幕多佳
伴同官得俊寮趨公欣有暇選勝迭相邀山鳥音如瑄林蘂色
比莢五巖泉灑落千佛閣茗堯妙句搜爭捷清聲鬯遠姚投瓊
魚檣健射叢雉媒驕竹葉傾千榼蓮花鬥百驍徵歌敲樂句倚
醉試茶簫天路吹噓易清流月旦昭歡場難再得旅抱漸無憊

余初至蘭州適甲弁山師署理督
策極榮賞譽此紀一時遊讌事也

遂作羌人長偏逢寇騎驚伏

戎屯宿莽繫卵託危蒼誰發陰嬖識將成脂夜妖挺災倖鬼賊

扇毒甚猱獠異稂類山壓奔精枉矢搖風高鳴劍掣月黑踞孤

嶽鶴鄰肥胡雜犀函貝冑穀多金募梟俊協力殄孽魑

謂伏羌
守城事

靈武州雄繁河奇地沃饒九重旌尹賞三府薦劉陶抱贖知

才拙懷憂畏俗澆曹司胥吏黠城關子矜佻所冀回瀉樸端宜

簡教條無煩設鉤距自爾解苛燒下漢豐稔稻高原富菽藿儼

喧神食虎蠟囊社迎猫蠶詰陪成璿逢迎鄙李脩拊循宜甲令

影占絕丁徭

丁未冬任
靈州牧

五鼓曾聞鄧雙旌暫試齋偶誇庖代祝

卻愧外無料薄落

澤水
名

迴瀾漫空同做沈湫探奇披鶴蹠躋險

躡龍騎講院耽蕭曠經生采秀翹買牛師渤海畱犢笑時苗

戊午

署平涼守旋攝河堤尉欣聞池谷謠優渠關輔勝碑碣漢唐標

已未春署

甯夏水利同知干鎮神光合塢簾逸響調官同靈鞠退才讓阿龍超堅

坐星連曉深譚漏轉宵小園開曲徑精舍拓疎簷紫蜃珠噓燄

雄虹玉露臙華辭羅鷺鶯淡墨染鰲蛸甫畫綏邊策旋驅喻蜀

輶浮屠三宿戀許伯寸心悵放手沙終散分行雁忽飄離觴嫌

燭短別曲怨絃么井絡方傳箭烏櫓尙警刁蠶沙經浩劫烽火

有遺燹羽檄何倉卒廬兒盡勇趨前塵殊惘惘後約恐迢迢

己未

夏荔裳來甘肅任欽察未及半載卽調任四川正月因秦州告警率兵防禦順道赴蜀陳迹尋泥雪流光

駭電颿寄居慚瑣蛄遠害慨鷦鷯飄泊文章賤陸跬志節銷懷

鄉心耿耿攬鏡髮影影執戟愁顛眴文園苦癘瘠餘年希社櫟
噩夢誤隍蕉祿以狂名減財緣妄語燒江郎花禿管泉客淚乾
綃面枉鬱麤借倉嗤混沌描五錐頻挫銳六博不成梟舊侶憐
淪躓岐途慰寂寥頻煩投縞紵無路報英瑤豈有金重鑄徒勞
玉再珣非關幕臺省終擬返耕樵莊舄常吟越奚康嬾鍛譙守
株空待兔見彈漫求鵠出竦煙蘿請歸憑叢桂招持竿臨水裔
剗茭傍畝椒倦數投林翼閒看挂壁昭拈華參惠遠採藥遇征
喬說法常依鷲忘機更玩儵業從離垢白心免抱薰焦詩卷留
千古家山認六朝昨宵清夢好雙槩渡江潮

喜得洪稚存入關之信書此代簡

蘭山話別各傷神浩蕩冰天逐雁臣幸免若盧收杜衆還愁樂
浪飄崔駟孤蹤拌作長流客 溫語旋迴絕塞春開盡桃花消
盡雪兩行紅柳送歸人

雞竿詔向 九天頒鄭重 君恩特賜環傳到好音先破涕懸
知小別未摧顏朝搜斷碣窮沙磧夜聽清笳度雪山萬里只如
庭戶近輶車聊當探風還

上書慷慨豈沽名願効涓埃食 聖明宣室舊曾徵賈傅讎言
今已念班生親知預擬聯君屐邊微行看洗甲兵見買夫須營
釣艇滄江穩卧頌昇平

湖山佳處儘相羊解舍漁村認故鄉築室且教泥水蔽蒼苔合

付子孫藏驕魂恐倚銅柱

痕多斯坦有堯時銅柱相傳塞外人死皆歸之如中國之有岱宗云

歸夢時應到玉堂愧我浮沈銷志節白頭顏駟乞爲郎

安陽官舍喜晤趙渭川作此贈別即題其集後

羅浮兩山天下奇波濤風雨山合離烟雲變幻峯厓屢仙靈秘

怪杳莫窺我讀渭川千首詩奇境悅耆移于斯君才俊邁不可

羈好古具有兼人資談經夢夢客解頤說文九千字以學剖析

疑似窮毫釐上溯摛史兼冰斯旁証夔鼎搜殘碑詩人真以餘

事爲手持玉鉞登文陣豪氣欲壓千熊熊銅牆劒餌瞰鬼吹魃

魑罔雨紛躩踞忽造平淡據幽思叩宮彈徵調金絲謠如春卉

含芳粧朗若秋水揚明綺至性感入人心脾此是小雅離騷遺

臨風三復還喟嘻愛君卻恨交君遲夢中尋路覺後疑我時作
吏滯隴坻君亦薄宦潭河麋關梁阻隔殊封圻一官各有纓紱
縻但恐相見終無期今年我別蘭山陲襲裾謁選游京師安陽
大邑君所治身雖未到神先馳造門握手心神怡百聞一見慰
我私君聞我至樂不支童奴奔走開軒墀擊鮮斫鱸烹園葵珍
果厭落堆盤匱星闌輒語連朝曦銅荷蠟淚涔涔垂我生于世
百不宜耽書少小成詒癡風塵憔悴面目黧廿年素食慚無裨
跋前疐後叢瑕疵龕材拙宦衆口訾白頭爲郎入以貲商人不
覺顏忸怩感君顧我不鄙夷隨肩肯以弟畜之平原十日羅酒
卮圖書萬卷供酣嬉馬有芻秣車載脂朝來別君向路岐作詩

匪云瓊玖貽願如兩山相附麗金石可泐山不移丹雘白犬陳
誓詞此意敢告山靈知

送潘石甫歸揚州

征馬作離聲金環戛淒戾積雪滿千山天高朔風厲送別出春
明川遼莽迢遞相對黯無言空搯障岐袂我昨至京師惘惘無
所詣不藉子公書肯投正平刺屈指舊星辰零落餘一二汪倫

謂劍潭先生

吾老友重逢訴顛顚暇日相招邀結習愛文藝法護與

僧彌

謂竹海昆季

翩翩好兄弟座中復識君風格各英異傲儻八能

才紛綸五經笥超俗無近情忘年託神契曲巷不數武過從輒
相值發篋讀君詩古音孕元氣湛深作者心悱惻騷人意驚加

食諫果齒頰有餘味寒宵聚深屋雜坐語無次杯盤任狼籍圖
史供獺祭解帶縱彫談搦管搜僻事清漏促狂吟明燈照殘醉
稜稜霜氣嚴作作星芒概逸興劇飛騰詞源吐澎湃天涯遇心
賞此樂誠不易高文惜未售輕裝去何駛方欣同隊鱗遽悵分
飛翅君今將毋行反哺心力瘁高柔得賢婦一事差足慰到日
正及春紅橋景韶媚堤楊綠照眼官梅香破鼻江國多勝遊詩
篇足佳思應念長安人索米苦留滯南雁北飛時望寄平安字

題法梧門移竹圖

吾家舊住蔡湖曲湖邊銷夏栽修竹廿年邊徼苦相思沙雨濛
濛夢涼綠今晨展卷忽眼明萬頃湘烟入橫幅閒圓半畝桴編

籬小院十弓茅壓屋繞戶爭流宛轉泉遮門低蔭森木先生
長日理小畦叢篁移向簷簷谷佳兒愛壻其追隨慧比靈珠潤
於玉伯夷辛秀亦解事清靜無殊杜陵僕盤根帶土蘚斑斑修
尾掃堦風簸簸送來雲影翠成堆縛得秋聲青滿束瘦石玲瓏
斜一枝短牆繚繞圍千繖勝賞還招與可同高情合作實之續
焚香靜對意灑然恍到江鄉娛麗矚東華暫許結歡鄰南垞何
當卜幽築天近常含月露清歲寒好耐風霜足籬根迸筍長琅
玕園外高枝待鸞鶴清遊願得更從公莫厭欵門頻剝啄

題華嚴法界圖

手操三寸管動欲窺天咫圖則九重十二綱不知去地幾千萬

餘里罡風簸蕩地軸搖金水相摩旋轉不能止人間仰視正色
空青蒼元氣接混茫上有金銀宮闕白玉堂城垣牆壁一一可
倚著人天福報隨緣示現之說非荒唐請從三摩地更上一初
桃三十三天拾級登陟乘風御氣凌倒景下視三垣七曜炫
轉而熒煌以尻爲輪神爲馬儵忽周遊四天下大鹹海水環絡
之洪濤迅激風雷馳鯤鯨蛟鱷龍蚪螭驪背成山沫成雨白色
妖露萬怪何閃屍又復穿溟滓遊清微俯閭浮上須彌云是忉
利天帝釋天王之所治左盤青瑯右素威香水之海揚漣漪貝
多羅樹紛葳蕤蓮花如車蓋香徧摩偷池大千綵女結伴相娛
嬉雪山甄陀女歌聲柔輓調金絲能使五百清淨仙人心逸不

自持忍逢摩波旬碎匄擊天鼓羅刹翻城藥叉舞修羅宮中戈
戟下如雨檄召四天王天龍統八部鏗金鉦張玉弩甲冑現出
旃檀林膽落羣魔色如土殛之阿鼻獄名人黑暗薄佛法自無
邊貪嗔爾何苦頗復厭兵塵輕身想騰竊衆鳥金臚隨迦旃香
風裊裊飄長烟馬鳴把我袂龍樹拍我肩豐干逐我後月霞導
我前奉行無上無等咒參演大乘小乘禪主持色界無色界佛
之第二名字本是天中天莊嚴華淨七寶座空中示我光明拳
三十二相看具足我前合十作禮心虔虔相傳此間一石或墜
地須經十萬八千三百八十年我生耽白業不願再墮落我佛
大慈悲許我心已諾說法祇有漏觀空悟無著此語非幻還非

眞前生慧業來生因獻蓋隨寶積探香通大秦飯依丈六黃金
身華嚴法界圖中陳小儒見之舌擣而不伸謂天高高非可以
倚杵何能羅列掌上看螺紋詎知梵王功德妙不可思議搏挖
大千國界祇似陶家輪

冰蘭曲

相傳閩中人有瀉水置深盤者經宿冰凝成幽蘭一叢作詩紀之

花漏無聲度遙夜洗妝粉水和愁瀉寶枕應憐楚夢長珠盤倏
有湘魂化鏤玉雕瓊費巧思風枝露葉寫參差依稀現出空中
相頃刻開成別樣姿名花薄命琉璃脆未許騷人初作佩尺幅
蛟綃瑣澹愁一叢魚魴名蘭凝寒翠相思人倚綠牕紗恍對圓蟾
印桂華薄落雲妝宜照水空明香界合拈花人閒畫史摹難到

白描生色天然好風外旋看幻影銷意中偏惜靈芽小幽姿卻耐峭寒侵解抱冬心定素心一曲清歌堪儼雪爲君脈脈撫瑤琴

宿燕郊

信馬垂鞭去川原浩蕩間鄉心驚歲晚客路覺身閒空磧明駝卧疎林暝鳥還雲端見松雪了了薊門山

石門

茅屋參差出人家半在坡枯苔封虎迹老樹露鴈窠胸迴星光入村荒柝響多澗醪酤滿眼一酌醉顏酡

爲陳雲伯題碧城仙夢圖

瑤海明星大如月峭寒運動蓬山骨瑤臺明月小如星

三句用
亂韻

萬朵仙雲護玉局碧城縹緲曾棲宿迴環十二闌干曲密字親
書位業圖慧根早證長生籙海思雲愁幾度春再來原是謫仙
人丹梯迴首千重隔空爇名香禮紫宸秋衾夜壓涼烟重舊事
無端還入夢彷彿羣真闕苑遊羽衣金節爭陪從指點瓊扉認
故居玲瓏小閣倚清虛攜將朮序披雲讀種得芝房帶月鋤六
銖衣薄凝寒翠天乳無聲溼仙袂銀浦橫波匹練明若鸞尾掃
榆花碎虬漏丁東怯曉光一絲清氣墮微茫滿身香霧仙蹤遠
覽鏡蕭蕭髮彩涼研綃寫出餐霞意聊借丹青寓游戲試向空
中寄鶴書三山舊侶相思未

六月十二日爲朱黃文節公生辰吳山尊編修招諸同人

瞻禮遺像敬賦長句

慶歷五年公誕日屈指春秋七百七翰林才子吳叔庠開筵召
客升高堂公生乙酉今辛酉我覺去公猶未久曾從夜夢見容
顏時向晴空數星斗東髮喜讀公歌詩穿穴險審靡不爲幽祇
秘怪入腕底波濤蹙縮風雷馳眉山丈人驚且愕曠古以來無
此作草頭一點過神駒雲外千盤迴健鶻公才磊落空古今以
詩傳世非公心許身稷契杜陵老九原相對真知音宜州永州
兩羈管到死雙眉愁不展虛名留重黨人碑奇士惜歸文苑傳
何年鵞照煩畫工睥然和氣頤微豐滿堂賓客二十四瞻相頂

禮天人容就公論詩公印可來處仙雲飛一朵珠玉隨風落九天誰言不捨江西唾鰕生自媿媚學遲廿年吟鬢垂霜絲抱公遺集作導師辦香下拜公應知

菩提紗四律同鄒曉屏侍郎作

種向羊城定幾年託根原是四禪天碎篩金界疎疎月平展香臺澹澹烟偶縛冰絲愁獨繭試拈霜翼悟枯蟬憑誰巧借生花手繡上摩偷九品蓮

輕盈百幅琢春冰魚網翻嫌雜剡藤質薄好裁香閣幔眼疎難護石龕燈圓光乍現豪千縷空影憑消幻一層我亦年來諳世味欲拈枯葉問南能

龍女生綃手自披蕭疎不耐好風吹鏤塵怕損蜻蜒翼翦紙爭
黏蛺蝶絲薄到十分窺色障縈將千結悔情癡掌中細認方空
樣多事金仙費巧思

霧縈雲縈似有無玲瓏清影復禪衛生成壞色剛三種綴作偏
衣抵五銖縱使奇溫輸吉貝恰宜香妙伴伊蒲紺圓更擷牟尼
果記取光明百八珠

宋文信國公致吳架閣三書橫卷爲吳二蘭雪題

德祐國勢不可支詔徵天下勤王卽信公奉詔募驍傑慷慨萬
人同飲泣前驅踴躍溪洞蠻大呼義旅齊入關軍行頗餉苦難
繼籌筆孤忠憂不細轉輸重任誰仔肩治行久識吳公賢千五

百貫發官會郡將久已無金錢三書梗亮有雄氣古道論交畧
官位督師自署朝請郎告繼全憑永豐尉空坑兵潰萬事空蕭
條柴市號悲風精靈下食化朱鳥天海遊魂招黑龍餘生杖策
歸田里僵卧肯因徵聘起遺墨零星掩淚看幽篴雨暗啼山鬼
握拳透爪亡其真北平學士能傳神

原書已失卷中所存
係翁覃溪學士所摹

千秋

展卷尙流涕何況同歷艱危人黃冠丞相麻屨叟耿耿丹心俱
不朽爲付雲初好弄藏定有光芒燭牛斗

夜行郊野閒偶然成詩

荒榛礙足攢芒利洞口懸蘿幽翠巒敗牆脫粉生莓苔一燈如
粟禪扉開暝煙團露不成雨白雲如人隱深樹二更黑月墮空

巖電影照僧歸寺去

積雨柬張船山檢討

積陰塞宇宙西山失崔嵬
盲風浩呼洶白雨爭喧
蕪中閒更作氣鼓以雌雄
雷峩然海水立巨浪排空
迴朝愁朽柱折夜聽雙
將續參軍屋漏中愁顏苦
低摧兩目幸小休料理叢書
堆詩道積盈案紙背生莓苔
最憶張景陽愁隸句新裁
溷薪然爆竹破竈昏烟烘
屠沽有酒食吾輩甘蒿萊
君昨示我詩曠代驚奇才
猛炬出犀礮寒星迸驪胎
我如瘦至寶摩挲日千回
近忽秘之篋腐鐫不敢開
恐此發光怪掣攫蛟龍來

夢仙謠爲胡硯農作

鵝笙喚月寒。曄曄瓊樓半開星斗稀。明妝綽約見鬟影。香露如
烟吹寶衣。薦肩公子青霞客。綺歲裁詩花作骨。一夜相思託楚
雲。慧因肯信仙凡隔。曲欄十二橫空虛。玲瓏飛閣高真居。柳風
弄影皺瑤碧。明珠亂落金芙蕖。三山舊事啼紅雨。海思雲愁渺
何許。夢境迷離覺後疑。玉壺試扣鴛鴦語。

爲蔣香杜題劄箴課讀圖

兒名甫成母已亡。皁魚風木心摧傷。孤兒此日抱書哭。母背含
悲課兒讀。兒勤讀書母紉箴。一鎧如栗秋堂深。三更驚鳥啼上
屋。滿庭松桂寒蕭森。君今文舉徧九州。從容朱邱常陪遊。廬陵
下士愛顏謝。梁園好客延枚鄒。胸中盤盤貯經史。難忘慈親授

書始思親時復展圖看淚血斑蘭紅印紙枯魚銜索良可哀麻
衣素髯顏如灰天涯忍看慈母綫春暉一去難重回百年富貴
亦何有但願識字常依母三牲鼎養詎足論好以著述酬親恩
他年手寫羣經定爲報孤兒讀書竟

爲吳蘭雪題秦淮春泛橫卷兼憶舊遊

蘭槳輕翻碧浪明烏篷緩緩載春行穠花壓檻朝酣酒香月窺
簾夜按箏小別語還留後約相逢緣總說前生玉釵羅裏綃魂
地惆悵相如賦不成

畫橋烟外柳陰陰十二朱闌小院深彈指華年悲錦瑟移情絕
調感青琴月高猶擁聽歌權花豔頻拋買笑金闌道春潮依舊

長送人香夢杳難尋

翠管紅牙譜豔詞三生難懺是情癡
尋丹渡口憐桃葉郎裏風前認柳枝
粉鏡乍收眉鎖黛銀簪斜倚淚連絲
瀟瀟暮雨吳娘曲腸斷當筵話別時

記得明漪漾半篙昔年我亦泛輕舸
風扉樹綠圍鴉柏露井花紅綻鵬桃
舊侶飄零詩卷在故山迢遞夢魂勞
劉郎縱有重來分只恐霜華染鬢毛

微雨薄寒夜坐偶作

虛館坐秋色明燈照雨涼近牖移絳
鈿倚壁著琴牀螢溼度微影花薦留
馨香漸堪親卷帙更漏喜初長

秋雁四首

一經新雁起并汾無限秋情總爲君孤館昏銍千里夢故山涼
月萬重雲不逢歸燕應迷路莫趁驚鳥易失羣二十五絃彈水
調客心悽斷那堪聞

蕤花楓葉薄寒初點綴秋光錦不如悵悵漫彈遊子淚寥寥久
斷故人書江湖已分浮生老文字難教結習除一種徘徊空外
影澹蘆揀盡碧沙虛

側身南望道途賒瑟瑟青霜兩岸葭杜老裁詩長憶弟江郎作
賦苦思家天高朔漠雲無路水落瀟湘浪有花絕徼荒寒生計
拙年年憔悴逐風沙

飄泊天涯何所求不勝哀怨入清秋舊盟只合尋鷗去薄倖無從與鶴謀
慙慙風波遊興倦偶因泥雪爪痕留數聲飛度桑乾水知否勞人正倚樓

爲謝薌泉同年題論古圖

謝公胸中有千古挾撻丹銷不言苦每特正論折儒梟偶騁雕
談驚義虎深居兀兀擁百城問字有酒盈鏗程釣奇或與鬼爭
義埋照不其時爭名昔年小試鋤強手不愧惠文冠柱後看書
如月李臺卿疾惡如風朱伯厚攀安提萬才經通詞場卓蹠千
夫雄文章自進官自退拙宦不識趨時工羌余耽書成古癖甘
截風塵鬢斑白人生窮達洵有命過眼流光慙浪擲公真好古

抱古心我亦望古操古音相期淨洗箏笛耳寶此七尺朱絃琴

秋夜詞

銀浦明星光的歷一行涼雁橫秋碧峭風吹墮小蟾蜍露腳斜
飛入簾隙銅荷燄縮蘭炷殘獨夜苦吟詩魄寒嚴城人靜漏悄
悄疎柳鷓鴣啼催白曉

送吳穀人祭酒乞養旋里五十韻

講座三鱣集先生自此升陳情動天聽勇退服公能乞養扁
私遂還鄉鳳綽承歸心趁艫舳去夢戀觚稜自欲希萊子非
關羨季鷹蘭陔香正滿藹室慶方增品望三雍重聲譁萬口稱
叩奇鍾自應敦誨鼓初徵守默才偏逸鳴謙氣不矜春卿何蘊

蕭子壽最端凝綴學甯駢拇工文屢折肱辭壇嚴鞞鞞藻府剪
榛芟東壁輝丹篆南和闕寶繪雞林爭購覺魚網費鈔謄曲愛
銅琵琶絃聽錦瑟絃豪情濤歎湧健筆嶽峻嶒良會聯京國佳
時聚友朋推襟倒筐皮畧分接茵馮賓榻延徐穉仙山對李膺
看山車共載聽雨閣同憑但覺新知樂渾忘暮景騰粲花談似
綺淨白酒如澗響擊秋堂鉢明然雪屋鐙摧堅軍拔幟命中射
分塲密契投何晚凡才感曷勝大邦當晉楚傲賦索邾滕鮒許
門生議鳬教膳宰蒸羹材煩竈妾觥政舉甌丞選勝移樽過尋
幽蠟展登清游經幾度離緒忽千層極浦橫征雁疎林噪晚蟪
一鞭燕市別雙槩潞河乘驛路初飛葉川波未結凌江流迴北

固潮信到西興峯影覩蛾綠湖光泛鏡菱巡簷梅欲笑款戶鶴
先嚙華黍歌應補常儀福有恒筍甘宜入饌魚美好垂罾摩詰
鋤瓜圃天隨闌芋塍忘機禪力定觀物道心澄近訪比隣友閒
尋退院僧菊荒三徑杞茶煮一枝藤廉讓風堪慕浮沈迹自憎
塵埃嗟瓊瓚缶恥仍仍祀較陪疏廣歌驅餞庚冰墜歡期後
續陳迹記前曾珍重求金液遲回望玉繩新吟懷輞口舊製愛
韓陵腕弱書縈蚓眵昏墨誤蠅苦思同李翰好句媿胡曾鴈鯉
書頻附烟蘿約可憑百弓謀下撰吾亦辦行滕

得吳竹橋太史書見寄長句走筆答之

詞場昔日兩年少君到蓬山我荒微二十三年客鬢蒼我來京

華君故鄉文章風義交非偶出處偏教落君後平生立志苦不
堅坐此浮沈負良友數椽屋閒坊西短轅薄笨如雞栖出門
惘惘欲誰詣意氣恐爲求人低羨君穩住湖田屋門前千頃明
波綠每逢佳日賦新詩偶設清樽招近局午甑燒松野飯香夜
槽壓蔗春醪熟種樹巖邊待鶴巢丹烟外尋鷗宿眼中落落
空古今涼風天末思同岑嗟余薄宦久流浪江波浩淼吳雲深
興公愧說遂初賦達夫空作還山吟歎門忽到江南客爲說家
山好泉石感君寄我尺素書七字長篇妙風格幽州日淡秋彌
騷霜天白雁斜行高報書飛去入君手知我懷君心鬱陶

芙蓉山館詩鈔卷七

原受業陳奇校訂

芙蓉山館詩鈔卷八

金匱楊芳燦蓉裳著

禮烈親王克勒馬圖歌

克勒馬者王所乘良馬也汪太史琬爲作傳見堯峯文集王裔孫汲

修主人屢張檢討問
簡補圖同人賦之

乘黃絃白世希見渥洼大澤蚪龍變
午夜天門裂帛聲
房星墜地光如電
肉駿突角何權奇
奮迅不受黃金羈
長鳴矯首望八極
恍如擇主心
然疑一自風雲從
帝子馬心甘爲英雄死
辛苦沙場百戰身
桃花血濺旋毛紫
角聲吹動蒼山根
二十萬衆連營屯
蘭陵入陳勇無敵
馬是天馬人天人
銜枚飛度薩爾澗
定鼎奇功成一鼓
霜蹄蹴踏萬里空
人是人龍馬真虎
悲嘶踏地

地湧泉金瘡洗合形神全鉦鏡凱樂沸官驛平沙怒步歡長煙

百年部曲同聲哭殉主空槽絕芻粟

王薨馬聞哭聲不食而斃

作歌長憶望

雲雕刻石偏遺忽雷蛟雄姿此日重追摹猛氣猶足吞熊羆想

見橫戈斫堅壘陰風慘澹羣靈趨賢王選馬如選將制勝百中

能用壯 當代甯無出世材會看太乙昭神呪

蕭百堂五十生辰以賀蘭石硯爲壽系之以詩

賀蘭奇石紛瓊瑰良工採之爲硯材窮搜地寶元竇裂巧琢山

骨蒼煙開昔年百戰邊荒地萬劍橫磨俱作礪塋確曾無文字

綠森寒總帶冰霜氣燭天光燄甯終淪詞場磊落今策勛文鐫

蝌蚪成仙篆墨嚙龍魚化海雲我曾作更茲山下入手摩挲自

驚詫洮河綠石詎足珍龍尾名高此其亞年來隨我逾關河輕
篋不勞細馬馱揮毫颯颯頗快意詩成尙覺邊聲多蕭雲雅抱
著書癖窮年兀坐三經席松膠朽靡費研磨銷盡粲生一方鐵
守元尙自吾自嘲願持此硯贈石交君年五十未爲老健筆猶
足翻螭蛟硯田期爾千鍾獲好共琅玕獻闔闔乍可長營虎觀
經未須遽勒燕然石

題金粟道人像

玉山寶從聲華盛玉山林壑神仙境曠代風流萬口傳留得一
龜金粟影金粟風流迥絕倫翩翩裘屐六朝人玉韉翠輿陪清
燕斑管雲牋賦冶春唐宮遺事搜新秘天錦七襄裁半臂文字

緣深證大乘繁華夢破皈初地偶和陶家影共形便將心迹寄
丹青圓蒲小坐拈僧偈曲几閒憑寫道經棧鞋桐帽耽蕭放詩
肩瘦聳神偏王觀空頓悟去來因埋照全忘人我相我昔挈舟
訪玉山舊時臺館盡凋殘空尋寶樹三千界無復瓊枝十二關
習家池涸填荆棘敗壠沙沈到公石鹿柴上鼓傾輞口莊鷗波
浩渺臨江宅酒社詩盟轉眼空漫憑圖畫想遺蹤吟成七客寮
中句愧說才名繼鐵龍

雪夜

向晚鴉爭樹寒聲已滿城雲陰千嶂暝雪響一樓清堆几帙初
散背窗燈小明懷愁不成寐兀坐數長更

夜寒曲

花樓十二銀雲滿咽咽寒簧涖鵲管釵暈仙裙舞帶斜瑤姬醉
踏紅霞輓幽修碎翼雙明璫玉釭瀉酒玫瑰香桐君擘紙索新
句小篆漆書生瘦芒曉星朦朧隔煙別綃衫冷照榆花色一點
明蟾墮碧空霜華著地東方白

寒夜同浣霞孟士芙初敦夫小飲有作

已驚殘臘去恩恩莫向天涯唱惱公把殘細傾春醴碧拈毫同
翦夜鐙紅客來不速歡尤劇詩到無題語更工知否江南春信
早小園吹過落梅風

辛酉除夕蔡浣霞儀部招同芙初竹素諸君集春雲書屋

祭詩漫賦長句

我生精神何所託耽詩日夜窮追索相知何深報何薄卷中曾
無祭詩作明珠爲佩瓊作衣不受人閒祝與禩餐風吸露長苦
饑世人尙說吾詩肥蔡侯工詩負奇氣除夕高齋設詩祭送窮
乞巧均游戲折簡招余且隨例此例勑自賈浪仙呼朋置酒開
長筵騷魂詩魄來如煙醉中放我詩狂顛幢幢華炬瑟瑟鼓一
屋酒人都起舞白羊赤鯉登樽俎歌呼愆勞詩腸苦少年自許
筆力雄手捫麟篆光如虹一官邊塞悲飄蓬額唐竟成五十翁
伏櫪壯心猶未已達夫五十詩名起明日元辰大利市簡齋師句別
開生面從茲始

早春遣興

漠漠寒雲望遠天長吟雁後更花前貧家節物猶柑酒城裏風
光自管絃東閣官梅香似夢西堂春草碧如煙客來總說江南
好我別鄉園廿四年

飄泊天涯竟白頭清狂猶憶少年遊帆回夜月玻璃坊簾卷晴
雲翡翠樓一國鬪花多解語六朝詞賦最工愁尋常門巷經行
地此日翻疑阻十洲

薑芽菜甲薦辛盤坐近春星夜不寒情話最欣聯舊侶佳辰且
共覓清歡乘車入穴前塵誤搏虎收身末路難回首不堪談往
事重逢真作隔生看

步李山言詩集卷之六
短鬢蕭騷百事非鵲鳩心緒慣南飛寂寥京國知交少迢遞巴
江信使稀遠道遊蹤空馬券故家長物本牛衣何時種得先生
柳歸掩滄江白板扉

幢幢短燭夜如何每蹋歡場感更多彭澤閒情耽小隱琅琊風
調怕清歌叢殘書卷判高閑潦倒年華付逝波聞道五湖鰕菜
美不愁無地著煙蓑

四月朔日李滄雲京兆招陪姜杜鄴先生崇效寺看牡丹
復過廣慧寺訪詩僧鏡澈漫成長句

城西古寺春風香綠陰如雪高出牆遊人作隊尋香至百朵花
開紅一寺紫微仙人行佩壺腰腳健不須人扶陶公不愛八州

督跌宕花前謝羈束對花環坐笑口開佳辰願得長追陪平階
一片苔裯展坐久濃香衣上滿歸途逸興猶飛騰更向別寺尋
詩僧腥甌膩鼎莫相近最好齋厨飯蔬笋柳梢風急啼晚鴉歸
燕入戶銜殘花談深不覺斜陽暝幾杵疎疎佛樓磬約題新句
贈皎然愧我凡想難通禪

壬戌五月都門諸君子以余與法梧門學士賀虛齋侍御
祁鶴舉郎中謝薌泉儀部俱以是年五十初度合醵於
正乙祠雅歌引和談讌竟日薌泉詩先成卽次其韻

學道求諛聞屬文愛奇字本非磊落人自知無遠志屢夕手一
編覃思役神智徒作穴書蟬終愧籀雲驥立言爲下列下列豈

易致

張平子語

五十竟無聞掩卷空垂淚

作吏乘一障盤錯困根節花門弄戈鋌連山見積雪重闔七日
火利劍三尺血蹈危恥蓄縮望古想徽烈微軀幸得全薄宦甘
守拙推遷任大化餘生且怡悅

歲月易消磨尺捶日取半晚學苦善忘散錢不受貫已驚駒過
隙况復難失旦惟思就魚麥抽帆傍江岸羣公具觴酌好我回
英盼自慚草木年碌碌何足算

孤生感知已風義夙所敦海內數英彥今日同清尊槐榆與橘
柚氣合皆弟昆玉盤冰比潔團扇風揚仁流連文字飲中有古
道存洗盥迭爲壽滿酌玻璃春

長夏讀李墨莊集卽次前韻

眞惟寫性靈妙不關文字白豈蓬蒿人甫有江海志詎屑雕冰
脂剗心矜小智百鷺見一鶚千里識一驥大雅信不羣事外有
遠致千秋名山業廿載寒粲淚

我愛孤生竹磊砢抱奇節秀色含春燠貞標傲秋雪帝子綠雲
閒斑斑灑清血騷人處幽篁慷慨思古烈君詩師其意遠俗襟
吾拙肯作桃李顏妍華取時悅

長風吹雲颿海水立天半讀君星槎集異采若虹貫魂魂魚龍
氣光采變昏旦恍惚談瀛洲方壺連赤岸島夷迎使節嘉禮成
顧盼忠信履波濤胸固有成算

識君余恨晚交誼應倍敦文章雖小技有本體自尊暇日相過
從怡怡如弟昆借務奇真遼聯被偕孟仁故交半零落真賞今
誰存莫將碧海鯨輕比蘭荈春

雨聲四首和墨莊韻

伏暑闌珊雨易成黃昏浙漚四檐聲初疑瓦鼎茶初沸旋訝松
窗紙忽鳴點滴似酬吟斷續低迷不放夢分明跳珠戛玉清如
許無限秋心靜處生

暝煙如霧捲疎簾拂地銀河卷暮潮楚女雲蹤歸緩緩吳娘水
調唱瀟瀟綠知菜甲侵尋長紅惜蓮房歷亂飄記否江南腸斷
句夜船吹笛驛邊橋

未秋先已怯涼颺獨背殘燈有所思作客最憐孤店夜懷人長
記對床時預愁潦集街泥滑斗覺風沈漏鼓遲彷彿故山泉韻
好鄉心根觸更誰知

林梢冷翠滴空庭偏是愁人耳倍靈彈指年光悲落木關心身
事感流萍哀音乍歇漁陽操幽恨猶傳劒閣鈴何似滄江歸卧
穩高荷大芋等閒聽

彭愛國出示馬湘蘭小印上刻淨生半日間五字旁有款
識爲董香光藍田叔諸公社集西湖席閒何雪漁爲湘
蘭作也羅兩峯山人繪爲橫卷余友王秋塍罕睢陽時
招集同人爲銷寒會卽以此題分韻得詩八首秋塍書

於卷尾茲與愛園話舊而兩峯秋勝下世久矣因作長句以志感云

洪都先生好事者摩挲片石千金價拈毫爲賦斷腸詩續紙更題生色豔昔年社集醉娉婷翠裏朱家夙擅名當筵觥事殷勤錄風語華言百媚生衆中何遜多才藝紅鈴小篆爲卿製悟得浮生半日閒尊前領取追歡意明湖高會散如雲石不能言亦愴神幾度塵寰經浩劫不隨豔骨葬秋墳水濱拾得蛟螭鈕乞錢換酒逢漁叟未斷三生文字緣逡巡又落詩人手圍鑪雪苑記銷寒一坐賓朋著意看吟到魂銷心欲死淋漓蠟淚滿銅槃王郎好句真癡絕欲喚雙鬟來坐側長恨花無解語時空吟酒

是銷愁物

酒是消愁物能消
幾箇時潮關句也

羅含妙手費追摹蘭麝春風蕩錦

湖畫裏雲波名士國鏡中金粉麗人圖年華過眼如流電空說

梁園盛文譙飄泊憐君已白頭燕臺握手重相見西窗翦燭把

深卮歎逝傷離又一時隣巷有人吹短笛夜臺無鬼唱新詩蝨

粉蛛絲搜廢篋不禁老淚同沾臆敗紙猶存大令書斷繡好認

山人筆山河滿目酒壚遙零落詩魂不可招彈指舊遊容易散

底須惆悵話前朝

惆悵

惆悵蜂雄蛺蝶雌一生難懺是情癡蕭疏碧樹驚寒早掩冉青
銓約夢遲花底心盟睂解語鏡中愁緒鬢先知柳枝東去無消

息腸斷燕臺七字詩

讀劉松嵐同年詩集題後

劉郎負奇氣落落文字豪精芒炯寒星猛勢翻秋濤平生仗儒俠風義敦同袍冥心貫經史苦語耽詩騷當官任真意蕭然解天叟法令蠲苛煩撥置千牛毛了無浮競情高寄忘塵勞祇餘吟思深拙若獨繭縱晴空孤鶴唳霜夜幽蟲號劍濯古光永琴枯急絃高但博知者歡不受俗論褒翦鐙讀君詩老屋風颭颭冰雪阻千山東望心鬱陶何時豁離抱共酌玉色醪

雙鸞鏡歌同陳雲伯作

玉水金烟鍊圓魄寶匳一片寒潭色琢花刻葉紛玲瓏雙鸞宛

頸玻璃宮峻祈山畔分飛苦對影驚啼不成舞願入團圓苔背
銅單樓肯上相思樹碧城樓閣倚女牀水晶盤迴含清霜颼颼
紅尾拂空去萬里銀雲融冷光五絲帶綰歲蕤結珍重繡囊雙
綺翼祇應留贈比肩人巧畫鸞蛾學春碧

秋夜詩擬羅昭諫

哀蛩夕號屑瑟鼓竹風吹牆蒿秋老茆屋車塵冥冥故人遠行
黃鵠不下關河縱橫衰鐙背壁空梁鼠啣口銜窠藪逡巡失穴
寒聲嗶啞脫葉槁飛虛堂無人涼月在衣于于浮雲去來無迹
繁霜滿庭夜夢孤白清商戛音中多古心思我美子裴回短吟

中秋夜偕涂石渠暨夔兒江亭坐月有懷竹士

江家亭子斜陽裏，瑟瑟商聲入葭葦。
佳節欣然攜客來，一片秋襟淨如水。
遙空湧出白玉盤，徘徊漸上疏林端。
清暉入戶露秋暎，此閒夜氣尤高寒。
瓢堂左側闌干右，月影窺簾明若晝。
秋花相對澹忘言，時有涼雲落衣裏。
大瓢貯酒浮月華，酒罷更淪僧鉢茶。
堆盤雪藕味清絕，漱齒徑欲餐青霞。
歡闌忽訝更籌促，萬瓦參差溼烟綠。
共憶天涯飄泊人，月明何處扁舟宿。

春感

無端思發占花先，宛宛春愁赴暝烟。
破篋詩篇吟感遇，小牕燈火夢歸田。
懷人月靜青琴夜，中酒寒銷紫鵲天。
明鏡不堪頻照影，飄蕭雙鬢送流年。

章治齋公子招集紅牕小舫看海棠有作

嬌紅一夜千枝發香雨灑空花髓滑尋香蝴蝶漸作團簾波不
動春微寒中庭爲展輕羅幕更向花間繫鈴索養花願得天嫩
晴無風無雨花長生

次日再柬治齋

簾前細語音嬌娃燕子如愁海棠謝日高橫影上紗窗紅露壓
枝枝半亞亭午風吹紫陌沙逡巡欲出懶將車閒支茶鼎藤陰
下小汲清泉煮落花

晚霞四首和雲伯作

落日餘霞分外妍華鬢雲裾鬱藍天莊嚴妙相瞻丹地縹緲明

妾憶絳仙艷影易迷三閭月倩魂應化六朝烟彌空錯認錦花
雨參透維摩色界禪

風翦雲華貼水飛夢紅浴碧記依稀脂痕淺淡窺銀鏡金縷霞
殘想畫衣極浦沙明涼雨歇遙山翠涵暝煙微還疑海上神仙
侶載得名花緩緩歸

一片斜光落畫檐珠樓十二卷紅簾飄來茜裏無端麗染出冰
綃別樣纖綺語未應輸謝朓彩毫偏只付江淹可知晚泊瀟湘
客滿眼詩情爲爾添

秋水芙蓉傍玉臺赤城靈氣接天台遊經鶴苑曇花現夢到龍
宮寶燄開千里別情勞悵望九光空影儘徘徊等閒看盡朱成

碧日暮佳人來未來

冶春曲

篆烟斜裊簾紋罨小語吹香鏡潮綠冶葉倡條別有情大堤人
唱花游曲

鸚鵡地

西洋地球圖載此地爲南極下野區曾自佛郎西
舟於大浪山北望見有地來就平原澎湃入夜星

火滿漫一方無人惟見鸚鵡是元

主人繪爲圖兼作長句余和之

百尺青瑤海波立日華暈作燕支色窮溟浩淼斷人烟鸚鵡呼
羣成一國地勢遙連南極星炎方朱鳥氣通靈鸚精墮地拖紅
尾散作人閒萬綵翎雲岫月籠巢痕在洲島千年長不改異種
曾聞女兒山奇毛別產條支海雙棲夢穩不驚啼日暝烟燕錦

翼齊香粒飽餐紅鞮羈瑤池淨浴碧玻璃萬頃瓊田往來熟肯
信雕籠苦羈束偶趁春潮出浦飛搖天海色迷空綠姪唱嬌歌
逐隊來阿蘇低喚鳳花臺巴陵錯認游仙路漢上徒誇作賦才
花樓小鳳原同調丹山時有佳音報採藥舟看六鷁迴傳書使
只三鷺到七寶竈林夏玉柯漫天香雨散花多仙都彷彿眞員
嶠佛地莊嚴近補陀霓裳綵繚迴風舞舊侶還招雪衣女未許
塵寰見羽儀可能重譚通言辭靈境珍禽絕世無爲憑彩筆寫
新圖誰知憔悴江南客別倚銀箏譜鴈鴻

乙丑元夕

小紅燈影照黃昏亞字闌指舊酒痕簾底春星窺曲榭柳梢圓

月到橫門箏絃破夢消仙劫香炷灰心領佛恩腸斷華年留墨
句冰絲彈淚懺花魂

紺裏斑斑淚點勻霓裳舞罷散珠塵香殘錦字虛芳訊夢隔蓬
山誤夙因金雁怕調箏上曲翠螺空鎖鏡中春誰憐璧月墮枝
夜擁髻偏傷絕代人

記夢

露桃花瘦怯朝風朱鳥窗寒鏡閣空仙子小名呼芍藥夫人新
號賜崆峒玉璫珍重書難附翠被淒涼夢未迴淪落塵寰無限
恨羨他來伴返瑤宮

靜夜思

蟾魄斜光冷畫屏夜明簾卷近春星金堂門鎖歡期杳玉樹歌
闌促拍停花骨禁愁長戍削仙眉顰語總瓏玲飛瓊一枕瑤臺
夢啼殺紅鸚喚不醒

春感

蠶閣簾垂裊篆煙綺牕風過響箏絃湖波夢綠思吳鱸棧雨啼
紅弔蜀鵲露井香桃悲往事霜絲明鏡送流年三山小別無多
日回首雲波總黯然

曼倩辭

朱鳥牕虛夜不扃十洲來往盡仙靈如何不乞延齡訣長住人
閒作歲星

金馬門高索米回玩時恢誕亦仙才不知紫水登真日可掇長陵宛若來

同麗生雲伯戲集詩牌得無題十二首

紅牆斜界曉烟和舊夢遊仙闥苑過絳樹未忘呼錦瑟藕花無分種銀河千山靜綠聞鶼鶼二月輕寒憶女蘿閒整筆床題小像箇人憔悴損橫波

草路涼煙走鈿車小樓東去莫愁家星榆白社迷歸燕風柳紅橋帶晚雅雨地拋笙簧落月半生彈淚報名花瑤英難續蓉城夢臘有閒情寫絳紗

蟾匣銀雲拂鏡光靈犀秋怨瓊瓊妝琴仙喚曲紅桐瘦玉女拋

星綠雪香寶枕花濃樓彩鳳桂屏鐙小繡文鴛迴環珠斗天如
海夢破蘭衣冷佩湘

午夜名香叩翠扇蓮華輕躡鳳皇翎過時慧業歸枯衲小劫情
天戀謫星紅染鏡潮花一閣碧傾雲液玉雙餅金函悔識相思
字爲情凌華註佛經

紗障春鐙罷酒遲花陰簾卷月斜時畫船波煥迎桃葉團扇風
微憶柳枝蘭葉烏絲書小字粉匣紅豆記新詞庾郎銅輦悲淪
落楚尾吳頭寄所思

闌干十二傍青溪魚網飄萍出晚堤畫艇衝煙波路闌玉笙吹
夢水雲低半天歌散雷塘曲五夜鐙涼鏡閣西搖落江潭碧楊

柳秋深猶聽稀歸啼

玉樹歌殘綺閣虛輕衫曾訪浣紗居花經香劫魂猶艷柳補春
陰夢轉疏簾影半敲人去後月波微暈雁來初樊川刻意還傷
別孤對茶烟一榻書

赤城龍女碧城鸞小別還期補墜歡澹月琴絲無限感曉星簾
箔不勝寒夢回檀篆當風斷悵後花枝倚病看腸轉釵條分手
地南雲千里是長干

更見殘泥壓錦萍薄眉飄艷引離情歌船去盡閒鷗老笛步重
來怨草生偶拔塘蒲沙路黯遙迎江火畫帆輕落梅掃向孤山
葬又製香銘瘞綠鸚

最憐飛雨散金鋪烟水移家接鏡湖吹裏曉涼時過箇下樓斜
月夜啼烏歡逢新柳移芳艇愁近春城種碧蕪鎮日網絲籠不
捲爲誰彈恨淚痕孤

猶記晴江被襖年傷心南國正聞鶉香分蘭芍嬉春伴豔伯鶯
花上冢船扶醉客行芳草路浣衣人語夕陽烟盈盈一片羅囊
色何處柔波不可憐

小樓夕坐引悲吟雙裏分花拂瘦翠嬾踏煙莎過巷陌悄尋涼
笛到湖陰颿檣下渚江聲急雲水連天別恨深新月乍來人乍
還那堪清淚滿衣襟

香修曲爲巖蕙樓作

香修姓張氏祁門人幼爲媵於嵇相國家蕙櫨娶於嵇
乃謀之中閨而牌合焉初名秋月既歸蕙櫨更今名屠
琴陽爲作秋江載月圖緣蕙櫨初識香修在湖口縣之
石鐘山舟中也蕙櫨今春書來索余詩意殊慙懣且云
香修多病直旦暮人耳余憐其意因作此曲以寄蕙櫨
石鐘山下扁舟度江臯洛浦銷魂路一朵仙雲照眼明昔年初
見娉婷處背立雲屏似有情自言芳姓本張星碧痕秋影明河
畔認取銀蟾是小名偷彈暗淚紅冰凝生小飄零傷薄命出壘
先迷鳳子家撇波竟逐文魚媵葢薏苡頭正妙年鬢髮尚
垂肩玉臺口授青蓮句聰穎曾邀道韞憐

香修明慧喜謔唐人
詩青蓮美人卷珠簾

一絕其所
常調者也

才郎一見心相許原是三山舊儔侶斜轉橫波易目

成低顰淺黛工眉語換得拌量一斛珠亞枝花艷照清湖玉釵
羅襪凌波舫翠管銀觴載月圖西簾曉日蘭情媚玉鉤敲醒嬌
鸚鵡睡白氎新繙止觀經紅鈴徧印綢繆字修到華嚴不染身蓮
臺小像戒香薰遂令張泌妝樓記都作維摩貝葉文楞迦千偈
耽禪誦茗椀香鑪理清供卻笑鐙前擁髻人過時只戀繁華夢
蠻牋百幅寫烏絲消受檀奴絕妙詞何事捧心偏善病秋風顚
賴謝芳姿當門謠詠知難免柔腸九轉無人見綺閣長宵裊藥
煙斷紅銷盡春酥面無慘擬博玉人歡徧索新篇付與看題到
衍波天上曲香桃骨瘦不勝寒鏡潮吹溼燕支露薔薇一笑留

春住長是清齋倚佛憐休言慧業將身誤艷福如君未易償
絲禪榻漫淒涼避風別築藏春隔十萬金鈴好護香

銷暑八首

南正司方紀祝融炎炎紅鏡照當中
孱軀已分同金伏下策何勞用火攻
鼓棹每思歌小海停琴誰與奏歸風
何如徑踏峨眉頂終古陰崖雪塞空

早佩靈飛六癸符晴窗更展北風圖
生憎遶樹多乾鵲何處翻車用渴烏
良會待沈寒水李閒身願作冷秋菰
銅餅百丈哀音轉碧甃苔荒階井枯

披襟散髻鎮無慘憔悴文園欲病瘳
詎有客分承露潤轉疑心

爲抱薰焦雲波祇憶前期在蘿薜何時小隱招紗縠方空猶賴
著擬從海客乞冰綃

錯落珠盤火齊多爲儂宛轉記新歌麝臍損肺休頻蒸犀角涼
心好細磨瑤島路遙稀鳥使錦機人倦擲龍梭飛星冉冉秋期
早清淺銀灣水不波

撲面黃塵倦眼迷華髮屈曲卷晴霓樓遲元叔悲窮鳥枯槁臚
郎賦病梨漏短只愁涼月墜天空偏覺紺煙低最憐玉水盈盈
甚依舊清流不貯泥

三山縹緲隔重溟一枕遊仙舊夢靈瑤璣瀉殘雲液冷玉簫吹
徹浪花腥競迴長裏飄蘭雪待補清陰種柳星借得蓮舟輕似

葉開函休誦火珠經

天涯迢遞憶江關兩槩吳船銷夏灣買宅地饒菱芡美追涼人
比鷺鷥閒夕陽虹影初過雨遠渚波痕欲浸山三十六陂荷萬
柄紅香搖曳碧連環

小坐胡床耐薄暝營營遶鬢避飢蟲待迎露氣迴鐙影爲愛涼
光拂簾紋冷嚼冰花元玉瑩甘拈瓜字綠沈分憑闌一曲彈神
雪萬頃頽霞化水雲

蓮花博士歌爲吳蘭雪作

鑑湖一曲雲水涯風吹萬柄紅荷花放翁醉後出奇語花爲四
壁船爲家滿湖風露涼烟重冉冉故人來入夢勸翁暫領新置

官美酒百壺當月俸明妝環立千娉婷博士合以蓮花名詩人
自古有奇福水鄉別築芙蓉城真靈位業依稀記瀟灑吳郎堪
作替夢倚紅香四面風扁舟棹入空明地今年花發積水潭接
天雲錦紅酣酣青山窺人出港北白鷺導客過溪南十刹海邊
攜俊侶君自高歌花起舞角巾微墊紅衣涼翠蓋輕翻滿身雨
西風瑟瑟零紅愁乘興還續招提遊銀雲湧出大圓鏡琉璃萬
頃搖清秋畫省高閒詩博士笑指頭銜恰相似癖嗜從教命屬
花

詩人命屬花
孟東野句

冰衿儘耐官如水羨君個儻才疑仙珊瑚擊碎

詩狂顛金樽翠管鬪新句瀾翻舌底生青蓮夢遊歷歷靈蹤在

真見蓮花似車蓋十丈曾擎太華峯一枝穩坐蒼尼界我亦琳

宮博士身登樓常憶舊星辰
階月地如相訪手把芙蓉證夙
因

題綬吟圖

小謫凌華自不羣仙風吹颺畫羅囊
天寒淚裏青羅雨夢淺香銷翠閣雲
寄遠詩情邀月共鎖愁眉樣與山分
好將十幅琅玕紙徧寫瑤清玉篆文

遊仙

縹緲宸樓傲玉櫺拈籤新校蕊珠經
護香小苑靈幃舉御氣飛輪絳節停
石鏡曉涼呼澹月碧城春暝種繁星
常筵按罷寶雲曲萬樹桃花擁幔亭

春陰

黯黯層陰桂閣東，碧玲聲裏卷簾風。
香凝薄靄繁珠幌，雲引輕寒入綺櫳。
池水吹圓春夢綠，檐花颺近夜鐙紅。
歡華易散蘭期杳，孤負眉圖十樣工。

蘇齋石硯屏歌爲覃溪先生賦

屏徑二尺橫一尺二寸烏雲紅日妙繪天然奇物也

何人遺公紫石屏，層嵐疊嶂浮空青。
烏雲紅日閃陰映，巧琢山骨開真形。
公家舊寶嵩陽帖，坡翁遺墨光晶瑩。
君謨夢中句奇妙，懷人萬里心屏營。
西湖放棹值休暇，葑雲席捲波洞濤陳遵。
好事泥翁飲小閣，盡拓明牕櫺壁開詩翰。
尙如昨，少霞已草新宮銘。
當年鬥茗傳韻事，縞衣仙子何娉婷。
忽然悟讀般若經，開

龍欲矯雙修翎同時楚觀並絕世政自難判尹與邢彷彿蓉城
主高會左右環侍皆媚姪酒酣拈筆意根觸醉墨無數毫端零
墨泚變幻出光怪珠字磊落成華星星精墮地化爲石徑以刻
畫煩山蠶由來神物理必合相遭豈比風中萍偃松贊字亦雄
秀勁幹勢欲凌蒼冥我觀蘇齋秘密藏捧手讚歎心無甯拜石
真應具袍笏公當更築墨妙亭

乙丑十二月十九日蘇文忠公生辰秦小峴太常招集同
人設祀卽席有作

嘉平十九歲乙丑雪霽晴陽滿高柳奉常折簡約賓朋共熱心
香爲公壽奉常個儻淮海孫風流文采今猶存遙遙上溯七百

載通家舊誼仍蘇門爲言祀公在嶺嶠玉局堂開風日好黃蕉
丹荔飭辛盤鸚鵡香螺薦春醪又言祀公在西湖金盞玉鱸炊
雕菰湖光入寺湛凝綠萬疊烟嵐張畫圖今年同作燕臺客古
巷殘冬足冰雪小劫風輪去可驚舊遊回首俱陳迹坐中有客
前致辭西湖祠宇神所依海南公昔謫居地乘風或者迴靈旂
此地次公會奉使公迹平生從未至紫府高寒恐不知南飛山
罷空凝睇我云公作潮陽碑曾言靈爽無不之驂鸞翳鶴定過
此我輩盍進瓊琚詞四坐聞言爭搦管揮毫落紙珠零亂速藻
先看刻燭成苦思肯惜吟髭斷一賦黃樓壓衆寶無雙國士舊
推秦只今七字新詩就多少當筵斂手人

小峴太常以詩約諸同人清明日出遊卽和來韻

遨頭約趁冶春天青鳥銜牋墮我前水國幾番蘋葉雨山村何處杏花煙懷人遠道雲遮眼覓句空齋月抱肩昨夜夢中新漲闊輕橈穩泛五湖船

清明日集太常寓齋再和前韻

一抹春雲媚遠天食單平展小亭前苔痕澹澹過新雨鵲影低低破曉烟鏡裏衰紅回酒面牆頭新綠壓吟肩清齋解後逢佳節合放當筵藥玉船

午後過崇效寺三和前韻

莊嚴香界近諸天小坐瓢堂晚磬前寒意乍消松頂雪春魂欲

返柳梢煙看山閣做青三面挑菜人歸綠一肩細草斜陽沙路
輓短轆搖兀似吳船

題法源八詠後

八詠者唐至德二載寶塔鎮景福元年藏舍利記宋眞武畫像遼幢金大安十年藏

舍利記及象槐海棠文官果也乾隆辛巳覃溪先生借錢籀石王述菴兩先生始遊訂分咏之約續同遊者爲嚴冬友吳穀人趙味辛余秋室羅兩峯諸君而八詠成迄今距始遊時閱四十年矣先生以前詩刻石陷於寺壁並作詩紀之

命余繼作長句

東陽八詠傳越中鳳翔八觀記坡翁頗嫌眾美一人擅分題變
例創自公同遊七客意蕭澹高吟五字詩清工法源寺古稱閭
忠規模經始唐太宗國殤風雨九原瘞巫招毅魄皈大雄莊嚴
法相踴蓮座重欄疊棋何穹隆遼金以來建天邑竺乾象教彌

尊崇唐碑斷缺存一二剗剔苔蘚離蒿蓬淨光塔頌石函記邊
牆森列光熊熊槐疑醉象蹴危石幢如寶蓋擎高空宣和畫像
祀天一大安舍利藏地宮名花佳果亦芬怪要與祇樹爭瓊瓏
昔年休暇縱清賞安排茗具攜詩筒篆煙出戶裊殘碧花雨著
袂吹零紅墜歡再續卅寒暑好景過眼嗟飄風交朋隔而數星
斗文字照世垂霓虹蛛絲魚蠹篋中句鐫以翠石勞磨礱舊推
蘇李妙書翰以今視昔將毋同

蘇靈芝寶塔頌李北海斷碑亦在寺壁

拈毫自寫

法界觀楞伽半偈襟靈通新詩入手百回誦知公懷舊情無窮
小峴先生以近詩見示纏綿悱惻有觸余懷率成四律奉

東

朝來攬鏡惜年光
蕭瑟霜華短鬢涼
海上定教鵬鳥怪
書中偏似蠶魚忙
一襟塵土吟情嬾
滿眼雲波別恨長
草長鶯飛三月暮
爲君悵悵話江鄉

飄零金粉認南朝
大小長干接板橋
楊柳煙沈爭浦月
桃花雨

漲
治城潮節門邊
譙前塵在親舍晨
昏昨夢遙得傍庭
闈
貧亦

樂阿奴
翼比阿龍超

余少時從隨園師遊屢至金陵小住去歲三弟自蜀回饋星吉祥街奉太夫人居

焉

落花如雪撲人衣
春事闌珊百態非
風月有情憐謝朓
琴尊無恙伴王微
名山夢到如親歷
遠道書來抵暫歸
怕譜江南腸斷曲
客心先逐鴈鵝飛

浮沈人海儘推排
偶踏歡場且放懷
春老鶯花尋古寺
雨餘鰕菜上天街
但容昭畧狂如舊
何必文開事果諧
漫興未應疏酒
璣開筵好解太常齋

六月朔日招梧門薌泉過極樂寺

暹暹挈吟侶
來尋梵王家
人門午陰清
衆綠香於花
小窗做虛明
淨域祛塵沙
石鼎貯寒泉
陶盤薦甘瓜
好鳥時一鳴
幽韻疑頻迎
驚蟬忽移樹
殘聲曳縑車
趺坐借禪榻
輒語無紛譁
鑪烟番吉雲
墨瀟飛涼霞
歸途葛衣輕
野風吹笠斜

撥悶四首柬二三知己和之

仙心禪悟兩難分
萬劫靈光一片雲
別有閒愁歸洗馬
不須綺

語懺司勳琳函舊識丹臺字石篆新鐫碧落文銷盡平生恩怨
感清齋夜禮玉晨君

天涯憔悴苦思歸無恙家山碧四圍小院星闌花影瘦斜門烟
暝樹陰肥香龕鐘梵飯心早綺陌風塵作許非啄腐吞腥都不
慣鵝雛只合忍長飢

對酒魂銷子夜歌華年百事總蹉跎拈來江管才先退彈到桓
筆恨較多遠道傳書稀錦鯉名山留約負烟蘿蕭疏客鬢霜華
滿莫遣青銅照淚波

曾向空王證夙因相看磊落性情真虛堂說劍邀奇士小像焚
香拜美人浩蕩江湖飛鷺侶飄零齒溷落花身男兒意氣錢刀

賤四壁相如未是貧

寒食日

城西溪路直斷岸春波活
冷煙飄鬼挑草長飛撻末
閒弱不勝風春寒瘦驚骨

官街鼓

城頭曉統統紅星落如糝
官街暮瑟瑟黃月挂明弓
摻搗不是漁陽杖豆子山
頭雨聲響豐隆昨夜送葬
回臨平大石殷如雷
浩劫茫茫聲不絕迴環五
勝埋香骨

爲蔣春瑤題簪花圖

蔣鶴谷先生舊藏張憶娘簪花圖一時名流題詠殆徧春瑤其曾孫也爲

琵琶女子宛蘭寫照王惕甫

題曰後簪花圖因作長句

春深繡谷繁華盛，蔣家花竹圍三徑。韻事爭傳張憶嬈，百年留得娉婷影。一卷簪花舊擅名，江南名士最多情。襄邊裏角畱題遍，小字斜行百態生。詞場誰繼風流後，主人好事還如舊。情天重現妙鬢雲，幻出秋蘭一枝秀。綠腰紅攬拍初諧，風語華言半吐含。綃帳月圓宜主艷，珠屏花鞞寶兒愁。慵來妝束偏妍妙，顚鬢低髻拈花笑。側正橫斜看總宜，玉臺不倩圓冰照。絕世風神認窮孃，蘭情水盼近橫塘。釵留小志呼芳字，睂譜新圖倚曉妝。醉眠夢斷傷懷抱，錦瑟年華鏡中老。卷圖莫誤李當當，索句續題張好好。灣頭拋卻四條絃，破恨東風值幾錢。聞道柔卿初解簪，不應定子更常筵。吹花嚼蕊漂零易，遊絲不斷纏綿意。我亦

清狂趁泊遊爲君
棖觸年時事煙月
秦淮寄所思秋娘
憔悴減容
髮絲禪榻拈香
偈
惓惓三生杜牧之

江亭偶憶

曲闌干畔看花時
小立春陰玉一枝
今日天涯尋舊夢
碧棠梨外雨如絲

春日泛舟

艇子石城回移櫓
泊春渚澹蕩搖楊
天蕭蕭寒食雨水
調隔花聽腸斷
琵琶語

山中早梅禁體

策策芒屨流蒼土
衝寒曉入梅花隄
半房山影碧於煙
老鶴迎

人如有語高枝數點綻冰萼世外風姿出幽嫵凌兢不嫌蛟脊
滑綽約欲乘鸞背舉先期破臘知骨傲無意爭春識心苦靈猿
挂月愁欲號古竊吹香澹無主墮砌嬌魂夢縞衣遶樹驚禽啼
翠羽劇憐浮霰散千璣時見野烟橫一縷迷濛天氣不成晴便
擬攜瓢酌香雨開繁只恐易零落蠟展休教後時阻歸來冷齒
嚼殘蕊已覺清寒生肺腑地鑪宿火燼松明花乳一甌誰爲煮

高惺泉出浮香樓橫卷索題漫賦長句

樓爲高介石先生所據先生與直浦

太史有卜隣西溪之約未果今樓已圯矣

惺泉先生文孫也因作此圖屬同人題之

西溪風土最清美浮香樓址今猶存疏枝冷蕊三百樹昔年曾
作梅花村風流二老數還往霜霰時沒芒屨痕巡檐索笑得新

句地鎔火活銅瓶溫花開警夜來皓鶴客去守戶呼青獺香南
雪北託深契卜鄰並宅畱成言人隨塵劫去難挽高樓久圯餘
荒垣陳芳詩國華鬢界茫茫何處招吟魂千堆香雪亦零落冶
火燒盡南陵根但餘文字還照世世食舊德推清門王筠屬文
肖乃祖范喬留硯貽厥孫故居想像付圖畫卧遊使我尋名園
人生天地亦寄耳卜築何必依邱樊得閒且趁腰腳健紅亭碧
欄隨攀援孤山昨日理遊屐新月挂樹參橫昏枝頭凍萼猶未
放翠禽無數聲啾喧東風吹到江南春銅坑萬樹花尤繁遲君
寄我草堂作相期花底開青樽

時與崔泉有鄧尉看梅之約

青藤書屋長歌爲陳十峯作

山人奇氣橫紫宙手植青藤亦奇瘦拔地根如鐵稍盤挐空勢
共梅梁鬪山人去草新宮銘青藤僵立經風霆旁枝秀出極天
矯亭亭直上凌蒼冥卻憶山人初植此靈牙淨漱天池水酬字
堂前翠雨飛孕山樓畔蒼烟起山人壯歲事俠遊仗策歷抵東
諸侯談兵幕府對樽酒雄豪氣壓千兜鍪牙旗不動嚴更急夜
深虎帳從容入猛士營門盡膝行書生側帽惟長揖鄙炎悲憤
人不知高歌痛飲非狂癡作表未妨修赤帖卻聘詎屑工青詞
波旬黑劫須臾過歸去藤陰只高臥千金盡散一身閒四大皆
空十年餓青藤凋落絕可憐壤牆鬼雨飛苔錢牽蘿補屋映然
子因樹作堂陳老蓮平泉綠野無遺躅幾度山邱換華屋空續

東方草木書總歸北苑雲煙錄畢竟名高迹未淪摩挲古牒尙
輪囷中郎老去石簣逝隔代又有憐才人讀公遺篇識公意我
愛元方好昆弟歎月疑聞鸞鶴音排雲任走龍蛇氣何時相訪
過草堂坐藤陰下傾千觴歌成撲筆有餘恨恨公不見吾清狂

浙江提督 贈壯烈伯李忠毅公輓詩

北闕宣 恩詔南交失重臣
溟溟祗祓惡箕尾大星淪立愷威
名重旌勞 寵命申哀聲騰薈部
曠典秋明禋光岳鍾英日雷
精降誕辰摩犂下鵬鶚行地得
騏驎扛鼎奇材舉翹關上第掄
熊環參警蹕豹直謹昏晨勁羽
扣三尺強弓挽六鈞國能
二字見莊
兼智勇帝眷重忠純虎節還階
數麟符奏績頻戎容看暨暨

豹服自振振雅度追羊祜儒風習祭遵彈碁銷赤角坐嘯靜黃
塵詎意鱣鯨暴難教梟獍馴樓船下楊僕戰艦走盧循髮爲髭
邊白家因饗士貧健兒收六郡半賞散千緡恩意投醪遍歡心
挾纘均鳥蛇形變幻鵝鵠勢森陳長策還綏粵先聲坐制閩高
昂原地虎韋獻是天神檣櫓張三翼旌旄動兩甄犀渠橫鬱島
鷁首轉颺輪劒藁千人敵風雲百戰身何因罹累劫無路叫蒼
旻豔粹躬占蹇臨幾兆遇屯狂波號颶颶飛微碎艚艚破浪心
猶壯捐軀恨未伸握拳悲下壘嚼齒痛張巡殊錫來丹陛
孤忠感紫宸易名光冊府世祿資絲綸旆已還霞嶠祠應建海
濱靈旂昭異象設儼嶙峋宗布銘勳大直茅列爵新石渠佳

傳在千載頌完人

塘西道中桃花盛開

夾岸小桃花春風破紅意朝霞朗相映燄燄美人氣中流泛輕
橈波影蕩衣袂風定釣絲閒雙飛過魚翠

富春道中

喚得津亭小畫舫風漪搖夢過春江林光澹白水深碧飛下英
蓉鷗一雙

杳靄煙林叫畫胡沿堤新綠長靡蕪篷窗盡日攤書坐飽看春
山過雨圖

謁經精舍卽事

芙蓉山館詩鈔卷八

苔堦少行迹微雨過疎簷麗鳥學人語碧雲如水涼流塵棲硯
匣殘蠹落書牀隣寺鐘魚歇微聞禪定香

示麗田上人

一榻僧廬畔蕭然閉閣眠鶯花三月夢鐘磬六時禪句續香臺
偈茶烹石鼎泉未離文字障餅拂且隨緣

湖心亭吹笛

山翠晚冥冥湖波四面青尋幽攜短笛呼棹上虛亭
鵲涼苔坐小螢茵于三十曲吹與老魚聽

花神廟

盤霧瑤釵重凌風玉裏分花魂飄夢雨香界涌身雲丹篆芙蓉

牒銀泥蛺蝶囊三山仙路近欵附鶴書聞

自金果洞至北山深處

奔潦雜泉響壤疇生土花鳴蛇入深草吠蛤上涼沙古柏高懸
纛短蒲新努牙背山幽路澀竹柵雨三家

閏五月六日冒雨至金沙港廢寺題壁

空梁紅脫飄梅灰斷礎半敲埋古苔耽閒且避溽暑逼當晝不
見落葉開菱荷風急野鷗下薜荔雨寒山鬼來遠鐘星星欲催
暝孤櫂更逐湖光回

環溪圖爲鄒補岩題

雨過蓉湖碧漲天小舟涼載鷺鷥烟彈碁鬪酒江樓夜一種佳

遊記昔年

彈指流光去若馳
溪頭瘦盡綠楊枝
空餘湖水明如鏡
惆悵重來照鬢絲

最憐墨妙秦淮海

謂梧

點綴煙嵐入畫圖
今日黃公壩下過風

流還有此人無

夢筆恩恩赴隴頭
家山相對話清愁
黃塵烏帽三千里
拌把春波讓白鷗

秦淮水榭留別湘湄竹士良甫諸君

一桁簾垂鏡檻前
秦淮新水綠如煙
銀河夜豔蟾蜍月
錦雨秋迷蠓螋天
酒泛蘭樽聯舊侶
歌繙桃葉怨華年
疎鐘人影虛堂

話惆悵相逢是別筵

虎牢關

浩劫經龍戰巖關畫虎牢峭風迎客面冷月上征袍出磧明駢
健盤雲俊驪高時平猶設險亭障肅弓刀

鐵門道中

危峯崢嶸日輪匿寒霧迷漫怪雲黑短轅兀兀困深沙雅軋雙
輪鳴不息秋郊白道一絲直古水搖空凍藍色隔林鐙火細如
螢獨鳥啼呼恐行客

過汜水

木葉蕭蕭下霜風捲怒濤荒雲迷廣武落日澹成皋水落魚龍

步學上言金
三十一
偃天寒雁驚號長征吾意倦轉惜僕夫勞

臘月十七日夜坐有感

邊風吹雪下平蕪
入夜青鐙照影孤
故里未能依柏壘
闌年怕見換桃符
枯魚書尺憐魴鱖
獨鳥心情訴鷓鴣
乍撫祥琴餘涕淚
明朝忍說是懸弧

獨夜有懷

明滅蘭釭伴夜分
嚴城疊鼓靜中聞
深閨愁思流黃月
倦客行蹤太白雲
麗句好將斑管記
奇書銷得玉麤熏
千行錦札憑誰附
盼斷高天少雁羣

芙蓉山館詩鈔卷八畢

原
本
受業楊文蓀校訂